



رواية

# حياء



الكاتب

عادل علي شلبي

للمزيد من تحميل الروايات و الكتب زوروا موقعنا من  
الرابط التالي :-

[www.rwaiaty.com](http://www.rwaiaty.com)

و تفضلوا بزيارة جروب الفيس بوك الخاص بنا ( جروب  
رواياتي )

من خلال الضغط علي الرابط التالي :-

<https://www.facebook.com/groups/Rwaiaty/>

كما يمكنكم متابعتنا ومراسلاتنا علي الصفحة الرسمية  
علي الفيس بوك

من خلال الضغط علي الرابط التالي :-

<https://www.facebook.com/Rwaiaty.Rwaiaty/>

للتواصل مع الكاتب :

<https://www.facebook.com/adel.shalaby.545>

رواية

# حياء

عادل علي شلبي



شليبي، عادل علي.  
حياء: رواية/ عادل علي شليبي - الإسكندرية: مؤسسة حورس الدولية.  
148 ص، 21 سم.  
تدمك: 0-77-6746-977-978  
1. القصص العربية.  
أ. العنوان.

813

مدير النشر: سمر المصري  
الإخراج الفني وفصل الألوان  
وحدة التجهيزات الفنية بالمؤسسة



دار الحديث للنشر والتوزيع

E-mail: dar\_alhadith@yahoo.com

ت. ٩٤١٩-٢٣٨٥ - ٠١٠٠٠١٦٦٦٦٦٦٦



Horus.alex2007@yahoo.com

Mob: 01223293638 - 01000166885

Alexandria - Egypt

[www.horuspublish.com](http://www.horuspublish.com)

جميع الحقوق محفوظة  
يحظر طبع أو تصوير أو تخزين أى جزء من الكتاب بأية وسيلة من وسائل  
تخزين المعلومات إلا بإذن كتابي صريح من الناشر

طبعة 2022

الترقيم الدولى: 0-77-6746-977-978 I.S.B.N

رقم الإيداع: 5205 / 2022



## الاهداء

إلى من أدخلني هذا العالم الرائع وانا في الحادية عشر  
حينما اهداني اول رواية اقرأها (كانت اولى روايات رجل  
المستحيل للعظيم الراحل د. نبيل فاروق) اخي الكبير شكرا  
لك.

إلى اول من وثقت في ودعمتني بشده حينما قرأت اول  
مسودة للعمل نظرت لي نظره تملأها الشك وقالت لي  
بأستنكار (طبعاً مش انت الي كتبت الكلام ده أصلها حلوه  
اوي الصراحة) شكرا على ثقتك فيا.  
إلى امي الثانيه وابنتي الكبرى وأكبر داعم ومساند لي  
اختي العزيزه تعبتك معايا.

أبي وامي لا يوجد اهداء يكفيكم أبداً.



للمزيد من الكتب والروايات الحصرية أنضموا لـ جروب رواياتي  
أو زوروا موقعنا **Rwaiaty.com**

## مقدمة

صنعت لنفسها قوقعه واحكمت اغلاقها من الداخل  
لاتخرج منها ولا حتى تنظر منها الي هذا العالم فما رأته  
هذه الشابه في حياتها يجعلها لا تري الدنيا الا باللون  
الاسود الحالک.



للمزيد من الكتب والروايات الحصرية أنضموا لـ جروب رواياتي  
أو زوروا موقعنا **Rwaiaty.com**

## -1-

في مصحة الدكتور عادل عبد الرحمن النفسية:

يدخل دكتور شاب شديد الوسامة في اواخر العشرينات  
عريض المنكبين ذو جسم رشيق يرتدي نظارة طبية تزيد  
وسامه يسير بخطى واثقة الي المستشفى يسأل عن مكتب  
دكتور عادل عبد الرحمن

دقائق ويدخل الدكتور الشاب الي المكتب

\*دكتور عادل عبد الرحمن من أكبر دكاترة الطب النفسي  
يمتلك مصحة خاصة يبلغ من العمر خمس وخمسون عاما  
يتسم بالوقار ويحظي بالاحترام من الجميع ذو شعر ابيض  
وجسم مكتنز ويرتدي نظارة طبية.

- دكتور عادل انا دكتور مجدي عبد الحميد الي هستلم  
الشغل النهاردة

- اهلا وسهلا يادكتور اتفضل اخبارك ايه

- الحمد لله تمام

- انا قرئت السي في بتاعك وعجبني جدا الما جستير بتقدير  
ممتاز مع توصية بطبعتها على نفقة الجامعة وكم ان انت  
من العشرة الاوائل على دفعتك

- ايوه يا فندم
- وطبعاً حصلش نصيب في التعيين
- بيتسم مجدي ابتسامه ساخرة - كل شئ نصيب يافندم
- اراد دكتور عادل تغيير مجري الحديث
- موضوع الماجستير كان عن ايه يادكتور مجدي
- اضطرابات ما بعد الصدمه يافندم
- تمام كويس جدا ومستعد للشغل
- جاهز يافندم
- يضغط دكتور عادل علي زر الجرس
- يدخل دكتور في الثلاثينات من العمر الي المكتب
- يتحدث دكتور عادل
- اتفضل يادكتور هيثم دا دكتور مجدي الي قللتك عليه
- دكتور هيثم هو الي هيتولي تعليمك وهيعرفك علي
- المكان يادكتور مجدي اتوصي بيه يادكتور هيثم دا من
- العشرة الاوائل علي الدفعه.
- \*دكتور هيثم عرابي شاب في الثلاثينات من العمر متزوج
- وله طفلان الا انه ذو علاقات نسائية متعدده لا يمل ابدا
- بالنسبة له هذا هو المزاج
- بعد اذنك يادكتور وإن شاء الله هكون عند حسن ظنك
- خرج دكتور هيثم ومجدي في الممر اخذه دكتور هيثم في
- جولة في المستشفى

- تعال اعرفك على اقسام المستشفى.

## الاقسام

### 1- قسم الادمان

- دا القسم الاكثر إنشغالا عندنا طول السنة والاعداد فيها ماشاء الله في تزايد في بيخرجوا وفي بردوا بيخرجوا بس بيرجعوا باسرع مايمكن

وبالفعل شاهد مجدي اعداد كثيرة بداخل القسم وتحسر على كمية الشباب الموجوده بالداخل وتمتم مجدي المخدرات دي سم بياكل في بلدنا

### 2- قسم التأهيل النفسي

التأهيل النفسي- أهم أنواع التأهيل للحالات الخاصة ويشكل ركيزة لبناء البرامج الأخرى ويقدم خدماته من خلال الإرشاد الأسري وبرامج تعديل السلوك القسم دا هو القسم الي بيستحوذ علي أكبر اهتمام من دكتور عادل عبد الرحمن شخصيا لأن عنده حفيدته عندها توحده فهو اكثر واحد مهتم بالقسم ده شخصيا

### 3- قسم الحالات الخاصة

- ودا اعرفك عليه بكرة على فكرة دا انا مشرف عليه بنفسي وكل حاله محجوزة انفرادي.

مر اليوم سريعا علي مجدي وهو يتجول في العنابر ويتعرف على الحالات





- لاً دا لازم يقعد معايا ويقوللي عمل ايه في اول يوم  
واخبار المجانين ايه جننوك ولا لسة ها قولي يلا بسرعه
- يابت اهدي شوية خليني اعرف أسلم علي الحاجة  
وبعدين ما اسمهماش مجانين يا أوزعه انتي.  
يقبل مجدي رأس امه
- ازيك يا حجه عاملة ايه اخبار صحتك ايه
- الحمد لله يابني بخير طول ما انتو بخير
- اخبار شغلك ايه يابني
- الحمد لله يا أمي المكان كويس ودكتور عادل راجل  
محترم
- هاخذ دش على ماتحضرو الغدا
- معلش يابني بس انت اللي مدلعتها خصوصا بعد موت  
ابوك الله يرحمه
- ما تقوليش كده يأمي وبعدين تقى دي بنتي
- ربنا يخليك لينا يابني يارب
- ويخليكي لينا يارب

## -2-

وفي الايام التاليه يأخذه هيثم علي داخل الاقسام ليشاهد الحالات على الطبيعة ويتعرف على حالة كل مريض وتمر الايام الاولي لمجدي بخير ويشهد له الجميع بالكفاءه وفي جلسة ودية مع دكتور هيثم

- يادكتور هيثم مش هتعرفني على الحالات الخاصة
- كنت مستنيك تسأل بشوفك كل يوم وانت معدي من قدام القسم ضارب عينك جوه بس كنت مستنيك تسأل.
- بصراحة نفسي اشوف الحالات الخاصة دي وايه ظروفها بقية الحالات هنا حالات عادية مفيش حاله تشدك تستفزك تثير اهتمامك
- لأنت كده لازم تشوف الحالات الخاصة وانت هاتشوف اللي هيشدك بجد تعال معايا
- هو دا الشغل

ذهب مجدي مع هيثم الي حيث قسم الحالات الخاصة

إلي حيث قاده قدره؟

فمن منا ساقته قدماه الي حيث يريد هو وليس إلي حيث يريد القدر؟

- هاتشوف الحالات على الطبيعة وبعدين تقرأ ملف كل حالة

## الحالة الاولى

شاب في الثلاثينات من العمر يقضم اظافره باستمرار ينظر إليهم بخوف

سعيد جلال

صرع واكتئاب حاد

حاول الانتحار اكثر من مره بسبب عدم سيطرته على نوبات الصرع وكانت زايده عنده لأن ماكنش في اي متابعه او علاج وبدأت تجيلة في الشغل وفي الشارع والحاله النفسية اتدهورت تماما.

الاكتئاب

هو هبوط نفسي بالغ الشدة، يخيل للمرء المصاب به أنه فاشل في كل شيء وغير نافع لأي شيء، فيداهمه اليأس ويسلبه نشاطه ويفتر همته. وقد يختفي الاكتئاب من تلقاء نفسه ولكنه يتكرر، والعلاج لدى الطبيب النفسي يخفض من شدته ويقلل من احتمال عودته. يرى علماء النفس ان للاكتئاب اساسا بيولوجيا، ويؤكدون

حدوث تغيرات فعلية في كيميائية الدماغ متى شعر المكتئب بالحزن والأسى، فيلاحظ إنخفاضا في الموصلات العصبية الكيميائية الحيوية لتنظيم أمزجة المريض خلال نوبة خطيرة من الاكتئاب.

الصرع: هو حالة عصبية تُحدث من وقت لآخر اختلال وظيفي في النشاط الكهربائي الطبيعي للمخ. وينشأ النشاط الكهربائي الطبيعي للمخ من مرور ملايين الشحنات الكهربائية البسيطة من بين الخلايا العصبية في المخ وأثناء انتشارها إلى جميع أجزاء الجسم، وهذا النمط الطبيعي من النشاط الكهربائي من الممكن أن يختل بسبب انطلاق شحنات كهربائية شاذة متقطعة لها تأثير كهربائي أقوى من تأثير الشحنات العادية. ويكون لهذه الشحنات تأثير على وعى الإنسان وحركة جسمه وأحاسيسه لمدة قصيرة من الزمن وهذه التغيرات الفيزيائية تسمى تشنجات صرعية ولذلك يسمى الصرع أحيانا "بالاضطراب التشنجي"

## الحالة الثانية

شاب في اواخر الثلاثينات شعره منكوش وينظر لهم نظرات مفرغه توحى بالانتقام

احمد انور

ساديزم

- دا ياسيدي سمعوا صوت صويت طالع من الشقة متواصل من بليل للصبح الجيران تخبط محدش بيرد لحد لما كسروا الباب لقوه رابط مراته ومطفي فيها سجائر ومشرح رجليها وقاعد يفطر الجيران دخلوا ولا اتحرك غير لما حاولوا يفكوها وطاح فيهم كلهم لحد لما سيطروا عليه و بعد كده اهله جابوه لأن من صغرة وهو مجنون بالتعذيب من حيوانات لطيور وغيره.

### الساديزم

يعتقد البعض أن الساديزم هو مجرد أسلوب شخصي يكتسبه الشخص ويحافظ عليه، لحبه للسيطرة والمال والتأثير على الناس، ولكن هذه المعلومة ناقصة ومغلوبة، فالسادية ليست أسلوب أو طبع وإنما أسلوب حياة يعتنقه الشخص بل يمرض به ويجرى في دمه دون وعى منه ويرى في هذه القسوة سعادة وملاذا.

### الحالة الثالثة

رجل في الخمسينات من العمر يرتدي بدلة رسمية ويبدو عليه الوقار

دكتور سامي مصطفى

هوس

- دكتور؟
  - دكتور اقتصاد خسر كل فلوسة في البورصة ومن ساعتها وهو بقي نصاب لم فلوس من اهله وجيرانه وناس كثير وعشان يعمل مشاريع هو نفسه ميعرفش عنها حاجه ولحد دلوقتي محدش يعرف ولا هو نفسه ودي الفلوس دي فين.
  - طيب ودا محطوط في اوضة لوحدة ليه
  - لأ دا اهله اللي طالبين كده عشان خايفين حد من اللي أخذ منهم فلوس يفكر ينتقم ولا حاجه؟
- مريض الهوس قد يصرف أموال أهله وقد يُحملهم ديوناً وقروضاً من البنوك وهو في مزاجه المُرتفع. ويقع الأهل في مأزق كبير خاصة إذا قام هذا المريض بتحميل أهله ديوناً لا طاقة لهم بسدادها، والمشكلة أن البنوك وشركات التقسيط قد لا تضع في حساباتها بأن الشخص مريض عندما حصل على قروض من البنوك أو أخذ سيارات تقسيط من شركات تقسيط السيارات، خاصة أن مريض القُصام قد يخدع من يُقابلهم ويوهمهم أنه ثري أو بأن لديه أموالاً ولكنه فقط يريد هذه المبالغ ليكمل ما عنده لمشروع وهمي أو خيالي؛ لا يوجد فقط إلا في خياله.

## الحالة الرابعة

كانت شابه هادئة دخلو عليها فلم تنظر إليهم ملامح وجهها  
تتسم بالطيبة والبراءة الا ان لها نظره حزينة لا تستطيع ان  
ترفع نظرك من عليها إذا رأيته

ترتدي عباءه بيضاء مطرزه وحجاب ابيض ما زادوها الا براءه  
على برائتها

حياء علي

صدمه نفسية.

لم تتحرك او يبدو عليها اي شئ الا في لحظه خروجهم نظرت  
الي مجدي.

- شكلك عجبته ياغمس

نظر له مجدي وعدل نظارته ولم يتكلم

- ودي معتقدش انها هتشدك لأن دي علاجها يعتمد عليها

- هي عندها ايه بالظبط

- دي ياسيدي حرامي دخل عليهم ليلة دخلتها قتل جوزها  
واغتصابها الصبح بيخبطوا عليهم محدش رد كسرو الباب  
لاقو جوزها مذبوح وهي جمبه بتبكي ومبتنطقش وبعد  
الكشف عليها تبين انها اتعرضت للأغتصاب وتهتك في

جدار الرحم هي كانت جاية منهارة تماما ونوبات صراخ  
مابتنتهيش لكن خلاص كل ده اتحل الا النطق

- يعني ايه

- هي حاليا عادية ولكن مش عايزه تتكلم مع حد برغم  
انها أسرع حالة اتعاملنا معاها في الاستجابة للعلاج من  
الصراخ والكوابيس في شهر كل شئ اتحل كلنا كنا  
مستغربين من سرعه الاستجابة. الا انها رافضة اي خطوة  
للعلاج بعد كده مابتنطقش ابدأ من 3 شهور.

- طيب ومحطوطه لوحدها ليه

- حاولنا اكر من مرة ننقلها وفي كل مره كنا بنقلها اي  
حالة كانت بتقرب منها كانت بتهجم عليها وبنخلصها  
منها بالعافية 3 مرات على كده لحد ما دكتور عادل قال  
سيبوها محدش يفكر ينقلها تاني لأن دي اصلا متوصي  
عليها تبعه وبعدين دي تحت متابعه النيابة عشان  
القضية لسه مفتوحة لحين اخذ اقوالها ولكن باباها تقريبا  
ليه صله بدكتور عادل اتوسط له وقدر ينقلها هنا تحت  
المتابعه والاشراف الطبي انت ازاى مسمعتش عنها  
الحادثه دي كتبوا عنها كثير في الجرايد في وقتها.

- معلش أصلي مليش في الجرايد

الصدمة النفسية: الحوادث المؤلمة قد تكون على سبيل المثال  
الكوارث الطبيعية أو الاختطاف أو الاغتصاب او حوادث



اخرى مع جراح جدية وخطيرة. يمكن لهذه الأحداث ان تؤدي عند الاشخص إلى ظهور حالات الشد والتوتر العنيفة أو مشاعر العجز او الرعب. غالباً ما تهدأ حالات الخوف والاجهاد والتوتر هذه من تلقاء ذاتها. في حالات خاصة عند بقاء الاجهاد والتوتر لمدة طويلة بالترافق مع عدم امكانية المعالجة الكافية يمكن لها ان تؤدي لتشكّل أعراض نفسية مكثفة.

عاد مجدي ينظر اليها وجدها تنظر في الفراغ ونفس ملامح الهدوء ونفس النظرة التي لم يستطع تحديدها

- انا عاوز ملف الحالة دي
- معقول هي دي اللي شدتك دا دكتور عادل نفسه قال انها ممكن تقعد سنتين على ما تبدأ الخطوة الثانية للعلاج
- بس حالتها شبه حالات موضوع رسالة الماجستير بتاعتي
- شكلها عجبك ياأمس شكلك شقي وهنبقي صاحب يامجدي عموماً تعال اوريك باقي الحالات وبعدين خد الملفات شوف عايز تتابع مين ولكن تحت اشرافي.
- يعني ينفع اتابع حالتها
- ينفع بس لازم اذن دكتور عادل تعال اوريك باقي الحالات

لم يسمع مجدي من هيثم اي شئ فقد كان عقلة وذهنه  
معلق بهذه الفتاه الحزينة ذو الوجه الملائكي وهذه العيون  
التي يشعر انه قد رآها من قبل حتى انتهى هيثم من شرحه  
\*اخذ مجدي نسخة عن كل ملف من الملفات وذهب الي  
المنزل

دخل سريعا الي المنزل

ذهبت اليه تقي كالعادة بهزارها

قرأ الملفات الثلاث الاولى في ساعة نظرات سريعه قراءه  
سريعه لتقرير كل حالة

حتى جاء ملف الحالة الرابعه

نظر الي صورتها أحس كمن رآها من قبل بل تأكد من ذلك  
ولكن لا يدري؟

صورة تتسم بالبراءة ولكن نظرة العين رآها من قبل

الاسم: حياء علي حسن السن: 23

الحالة بدا يقرأ نفس ما قصة هيثم

ثم قلب الورقات وقرأ التقارير

رن جرس الهاتف فقطع افكاره وبمجرد ان رد

- ايه يابني فينك

- أدهم حبيبي معلش والله غصب عني

- يابني امال لو ماكناش خلاص بقينا نسايب يادكتور
- يا باشا احنا نقدر دا انت تجبنا متكتفين لحد عندك
- لأ انا الي هجيلكو ياخويا متكتف وامري لله
- انت نزلت اجازة امتي
- نزلت امبارح بليل وانت ولا انت هنا هاجي اتعشي-
- معاكوا النهاردة
- تشرف يا صاحبي دا بيتك
- قول لماما تطبطني انت عارف اني بحب اكل من اديها
- وبلاش ارجوك اختك تعمل حاجه في الاكل
- للدرجه دي امال هتعمل ايه بعد الجواز
- مش عارف بس في الغالب هنقعد معاكوا في الشقة عشان
- اكل من ايد ماما.
- وياتري تقي عارفة الكلام ده
- ها مين بتقول ايه
- بقول ياتقييييييي
- يابني اختك دي أحسن طبخة في الدنيا انا بس مش عايز
- أتعبها في اكل وبصل ووجع قلب انا عايزها تبقي فضيالي
- يامعلم
- طب غور ياد عشان مضربكش
- حبيبي ساعة واكون عندك

أدهم صاحب مجدي وصديقة منذ ايام الطفولة كانوا بنفس  
المدرسة منذ الابتدائية حتى دخل مجدي كلية الطب ودخل  
أدهم كلية الشرطة وهو حاليا بمدرية امن اسيوط وخطيب  
شقيقة مجدي تقي وكل منهم كاتم اسرار الاخر لايفترقان ابدا  
في الاجازات والخروجات.

جاء أدهم وجلسوا للعشاء

- اخبار الشغل ايه يامجدي يابني
- الحمد لله يا امي بدأت انسجم في الشغل الحمد لله
- انسجم ياسيدي ياسيدي على الكلام امال لو مكنتش  
بتشتغل مع مجانيين
- قتللك ياأوزعه انتي مااسمهمش م جانين دول مرضي  
نفسيين
- اخذ أدهم يضحك فلكزته تقي في كتفة - عجبتك اوزعه  
اوي ياخويا
- اخذ يضحك - فشهد شاهد من اهلها
- بقي كدة ماشي
- يابنتي انتي اللي بتجيبي لنفسك الكلام يعني هقولك علي  
حالة عندي واحكمي
- واحدة ليلة دخلتها دخل عليهم حراميه دبحوا جوزها  
امام عنيتها واغتصبوها

- ودلوقتني موجودة في المستشفى وما بتتكلمش ولا بتنطق  
من يومها دي تبقي مريضة ولا مجنونه
- يا حول لله يارب بس يا بني حرام عليك قطعت قلبي ربنا  
يصبرها واهلها عاملين ايه يا بني
  - دا اللي لسه هاعرفه ياماما

### -3-

في اليوم التالي ذهب مجدي الي المستشفى وهو عاقد العزم على متابعه حالة حياء كامله فهذا قدر وليس اختيار ذهب الي مكتب دكتور عادل

- صباح الخير يادكتور مجدي
  - صباح الخير يادكتور بعد اذن حضرتك كنت عايز اطلب طلب
  - اتفضل
  - كنت عايز امسك حاله حياء
  - نظر اليه دكتور عادل طويلا
  - انت لسه شاب وصغير والحاله دي عايزه شغل كثير جدا احنا حاولنا معاها كثير
  - اديني فرصة يادكتور وهنشوف
  - يا دكتور مجدي انت زي ابني وحاله حياء دي حاله استثنائيه
- بأختصار شديد حاله حياء صنعت لنفسها قوقعه واحكمت اغلاقها من الداخل لاتخرج منها ولا حتى تنظر منها الي هذا العالم فما رآته هذه الشابه في حياتها يجعلها لا تري الدنيا الا بلون اسود حالك.
- اندهش مجدي للدرجه دي؟؟

- انا بس مش عايزك تبدأ بحاله صعبة زي دي تقدمها بيبقي ضعيف وانت لسه فبدايه حياتك المهنية محتاج حالات تشجعك مش تحبطك وتخليك تستسلم
- ارجوك يادكتور وان شاء الله هتشوف نتائج تبهرك
- خلاص تابعها تحت اشراف دكتور هيثم لأن هو المسئول عن القسم ده
- متشكر جدا يادكتور وان شاء الله هتشوف نتائج تبهرك
- اتمنالك التوفيق
- خرج مجدي من غرفة دكتور عادل الي قسم الحالات الخاصة الي غرفة حياء
- صباح الخير
- ازيك يا حياء
- تسمحي لي اقولك حياء علطول كده من غير القاب لم يتلقي اي رد
- ان شاء الله انا دكتور مجدي هبقي متابع حالتك مع دكتور هيثم
- ظهر الغضب على وجهها عند ذكر اسم هيثم
- انا هبقي اشوفك باستمرار كل يوم تقريبا عشان اتابع حالتك ونتكلم مع بعض

كانت تعبير وجهها هدئت وذهب منها الغضب ولكن لم  
تنظر اليه

- اسبيك ترتاحي وابقي اشوفك بعدين

بعد خروجة اخذ يفكر لم ظهر الغضب عند ذكر هيثم  
اما حياء فقد ظهرت ابتسامه خفيفة على وجهها لأول  
مره بعد خروجه .....

أصبح مجدي يأتيها يوميا يجلس حوالي الساعه يتحدث  
ولا تنطق ولا تنظر اليه

ولكن كل مره بعد خروجه تبتسم حياء نفس الابتسامه  
الخفيفه

حتى جاء والدها وصديقتها المخلصة سمر

سمر صديقة حياء الوحيدده المخلصة التي مازالت  
مستمرة على زيارتها ومتابعه حالته معها من المرحلة  
الثانوية والجامعه وبعد التخرج متزوجه ولديها طفل  
لهم اغلب الصفات المشتركة من حيث اللبس المحتشم  
والحجاب والطباع

دخل والد حياء وسمر لغرفتها واخذو يتحدثوا معها  
دون جدوى

خرجوا من عندها وقابل م مجدي والد حياء وسمر في  
الطريقة



م جدي سلم على والدها ومد يده ليسلم علي سمر  
اخرجت سمر واعتذرت عن السلام على الرجال

أحس مجدي بالحرج

فبدأ والد حياء بالحديث

- اخبار حياء ايه يادكتور
- اخبارها انا محتاج اعرفها من حضرتك يافندم
- يا عني ايه؟؟؟؟
- لو سمحت يا فندم انا محتاج حضرتك واصدقاءها  
واقاربكم يساعدوني انا محتاج اعرف كل حاجه عن حياء  
وعن حياتها طباعها تصرفاتها كل حاجه من لحظة الولاده  
لحد دلوقتي انا لا تقارير هتساعدنا ولا اي حاجه غير اننا  
نتكلم معاها عن ذكريتها الجميلة وحياتها السعيدة ولا  
هي كانت عايشة ازاي
- احنا يابني كنا عايشين في منتهي السعاده وبيتنا كان كله  
حب وسعاده لحد ما اختها التوأم ماتت وفتحت علينا  
سلسلة ملهاش اخر من الحزن
- اختها التوأم؟
- اختها حياة تؤمها وبعدين امها توفت وختمت بلي  
حصلها هي وجوزها فارس

- انا محتاج اعرف من حضرتك كل حاجة واكيد محتاج حضرتك يا انسة سمر لو معنديكش مانع
- مدام - انا تحت امر حضرتك في اي حاجة تساعد حياء يادكتور دي اختي يادكتور مش صاحبتني.
- اتفضل معايا يا أستاذ علي وحضرتك يا مدام سمر دخلو مكتب مجدي وقبل الدخول
- 2 قهوة مضبوط يا عم عبده مش مضبوط برده يا استاذ علي وليمون للأستاذة
- تمام ماشي
- اتفضل اقعد واحكي كل حاجة عن حياء وكل تفصيلة مهما تكون صغيرة هتفيدنا جدا حتي لو حضرتك شايفها مش مهمه
- كل تفصيلة يبقي لازم احكيلك عن الاتنين مينفعش احكي عن واحد من
- غير اختها هبقي بحكيلك نص بس لان الاتنين كانوا بيكملوا بعض وبكي استاذ علي كثيرا واخذت سمر ودكتور مجدي يواسيانه
- طلب مجدي ليمون لعلي بدلا من القهوة
- لوسمحت انا عايزك تهدي عشان نساعد حياء يا أستاذ علي

- انا اسف بس لما بفتكر كنا ايه من سنتين بالظبط فجأه بقي دا الحال وبقيت انا لوحدي وحتى حياء الي فضلاي راحت مني
- حياء مرحتش يا استاذ علي وهترجع أحسن من الاول كمان بس لازم تساعدني
- حاضر انا هحكيلك كل حاجه من البداية وكملي معايا لو نسيت حاجه ياسمر انتي أقرب واحدة لحياء وتعرفي تفاصيل انا معرفهاش.



## -4-

البداية

تخرج الممرضة من غرفة العمليات

مبروك بنتين زي القمر

ينظر اليها الاب بعينين فرحتين وسعاده غامرة

الله يبارك فيكي ويذهب ليري الام والاطفال

مبروك يا حبيبتي جبتي بنتين زي القمر شبهك

مبروك علينا يا حبيبي هنسميهم ايه

نظر إليهم الاب بشوق وقال انا شفت فيهم الحياة وشفت

فيهم وجهك وحيائك

هنسميهم حياة وحياء

وقد كان الاسم على مسمي

فقد كانت حياة هي ماتجعل البيت ينبض بالحياة مرحلة

شقية تلفت الانظار في اي مكان تذهب اليه في البيت في

المدرسة في النادي

اما حياء فقد كانت اسم على مسمى كان الحياء في كل تصرفاتها لا تتحدث الا قليلا وبصوت منخفض لا يسمع

في المدرسة كانت حياة محبوبة من كل التلاميذ اما حياء فكانت محبوبة من الاساتذة يشهدون بأنضباطها وذكائها وتفوقها

كانت كل فتاه تكمل اختها هذه هي المرحلة الشقية وهذه هي الملتزمة الخجولة

ولذلك كانت كل منهما تحب الاخرى حب شديد ولكن بطريقتهم الخاصة تجدهم دائما يتشاجرون في كل الاوقات حياء تريد المذاكره في هدوء وحياة لا تعرف الهدوء حياء تريد اللعب مع العابها وعروستها في صمت حياة تعبث بألعاب حياء وعروستها

ولكن إذا صاح الاب في واحده منهم تجد الاخرى تواسيها وتسرع الخطي اليها وكذلك في المدرسة إذا صاح مدرس بحياه تجد حياء بجوارها ومهما كانتا مختلفتان الطباع ولكن متحدتان امام العالم

هكذا كبرت الفتاتان على هذا المنوال حتى التحقتا بالجامعه وكأن القدر اراد ان لا يتفرقا او ان نظام التعليم والتنسيق العبقري هو من اراد

دخلت حياء الحاصلة على 89% كلية التجارة

تبعثها حياة الحاصله على 70% تجارة انتساب

ولك ان تتخيل كمية السخرية من حياة علي حياء التي  
اضاعت عمرها في المذاكرة والاستذكار وفي النهاية أصبحوا في  
نفس الكلية وسيحصل كل منهم على نفس الشهاده ولا فرق  
بينهم الان

- اظن كده تعرفي ان انا اللي دايمًا كنت صح
- صح خروجي وفسحك وزوغانك من الدروس دا كان صح
- لو كان غلط كنت انتي بقيتي في حته وانا في حته تانية دا  
كل الحكاية 300ج زيادة عن مصاريفك
- مش مبدا فلوس لو على الفلوس بابا مش حارمنا من  
حاجه ولو كنت عايزة ادخل جامعه خاصة هندسة كان  
دخلني

- وتسبيني ياختي ياروءة يا توأمي يا حبيبتي ملين ها
- استعدت كل منهما للجامعة بطريقتها الخاصة حياء بشراء  
العبايات والسؤال عن المواد الدراسية والبحث عن الكتب
- وحياة بشراء الملابس على أحدث صيحات الموضة وطلبت من  
الاب شراء سيارة من أحدث الموديلات للذهاب بها هي  
واختها للجامعة وكيف يرفض الاب الذي لايملك من الدنيا الا  
أبنتاه وهو الاب المغترب أكثر من نصف عمرة في الخليج من  
اجلهم

علي حسن رجل في الخمسين من العمر افني عمره كلة في الخليج وعاد بعد بلوغ الخمسين من العمر افتتح مشروع لتجارة الاجهزة الكهربائية في ارقى احياء القاهرة ليكون بجوار ابنائه في مرحلة الجامعة واشتري قطعه ارض بني عليها فيلا صغيرة اصرت حياة علي ان يكون بها حمام سباحه كبير برغم رفض امها التام لوجود حمام السباحه لعدم قدرة الام علي العوم وكذلك خوفها من المياه عموما ولكن رضخت لحياة بعد الحاح شديد فالسيدة عفاف الاربعية المحتفظة بجمالها وبياض وجهها وعيناها الخضراوتان هي الام الحنونة التي لا ترفض طلب لبناتها من اجل اسعادهم

ونأتي لوصف الفتاتان في مرحلة الجامعة

حياة هي من تنتهي عندها الحياة نعم تنتهي عندها الحياة فهي الفتاه التي تريد ان تعيش معها حتى اخر العمر وتموت بين يديها جميله جمال يأخذك تنظر اليها فتجدها تنبض بالحياة تمر بجوارك يأتي معها النسيم وتشعر معها بقدوم الحياه الشعر الاصفر الناعم الحرير والوجه الابيض الملائكي الجميل والعيون الخضراء والقوام الممشوق مع ما ترتدي يبرز كل مفاتها.

اما حياء فهي من تخجل من ذكرها من كثرة حياها سعيدة بنفسها لا يهتمها من حولها لانها تثق بنفسها محبة ترتدي زي محتشم بعكس حياة تماما

ماذا لم أصف لك كيف تبدو الا يكفي ذكر حيائها لتعلم اني  
اخجل حتي من ذكرها من شدة حيائها

ولكن لكي اهدئ شغفك سأقول لك ان كلتا الفتاتان كانتا  
كالقمر في لحظة الكمال هما نفس النسخة ولكن أحدهما  
متحررة ملابس ضيقة غير محجبة يطغي حضورها على المكان  
الموجودة فيه من حيث المرح والصوت العالي والضحكات مع  
الاصدقاء من الشباب والشابات

اما حياء فكانت هي النقيض تماما الهدوء والسكينة تماما  
والالتزام بالزي الواسع الفضفاض والحجاب لا يظهر الا هذا  
الوجه الملائكي الذي زادها جمالا علي جمالها

بدأت حياة الفتاتان في الجامعة ذهابا معنا بالسيارة الجديدة  
حياة من تقود دائما ولكن اشترطت عليها حياء ربط حزام  
الامان دائما قبل القيادة فهذا من معايير الامان بالنسبة لها

وبمجرد الدخول للجامعة كونت حياة صداقات وأصبح لها  
جروب ممتلئ بالشباب أكثر من الشابات

اما حياء فكان معها سمر التي من حسن حظها ان هداها  
نفس التنسيق العبقري الي كلية التجارة بحصولها على 80%  
ولا تسألني كيف يجتمع كل هؤلاء في كلية التجارة فهذا سر  
من اسرار التعليم. او من اسرار كلية التجارة.

اخذت حياة تمارس هوايتها يوميا بالجلوس في الكافيتريا مع  
الشلة التي يكثر فيها الشباب تتحدث مع لمي الفتاه التي



تعيش بنفس اسلوبها في الحياة الابنة الوحيدة لأب طيب  
والام مديرة في مصلحة حكومية

مرت ثلاث سنوات من الجامعه على هذا المنوال حياء في  
المحاضرات هي وسمر وحياة ولمي في الكافتيريا

وفي كل عام حياء تقدير جيد جدا سمر ماين جيد جدا وجيد

حياة مقبول دائما اما لمي فمعها مادتين الي الان

حياء في المدرج من اجل المحاضرات في السنة الرابعة:

دخلت شلة اصدقاء الي المدرج بضوضاء عالية وجلسوا في  
المدرج الاخير

لفتت نظره دائما بهدوؤها وجلوسها بنفس المكان في المدرج  
الثاني دائما

أحس صديقة المقرب رامي به

رامي ثاني الجمهورية خلف فارس دائما في كل شئ في الفتيات  
في السباحه من اسرة متوسطه الحال ابوة موظف في الحكومة  
وأمه ربه منزل له اربعة اخوة يسكن في منطقة شعبية يتبع  
فارس دائما مثل ظله ففارس هو من يصرف ويخرج وهو معه  
اينما ذهب

- اللي واخذ عقلك

- القمر الهادي اللي بتقعد في نفس المكان كل مرة

- الله دا انت متابع بقي ونا مش واخذ بالي
- زي القمر يارامي من اول مرة حضرت وهي لفتت نظري  
وبعدين بقيت بشوفها كل مره في نفس المكان لحد  
مبقيت بحب اجي عشانها
- دا حب بقي ياعمنا
- حب ايه ياعم الحج انت كمان انت تعرف عني كده
- بس يا اخي دي باين عليها محترمة
- وهو دا اللي عاجبني بس انا حب ايه انا مش بتاع الكلام  
ده
- زفر رامي في ضيق
- طب اصبر لما تخلص من سالي الاول
- ياعم نفذ دي بت كئيبه داخلاي فحوار واحمد متقدملي  
والكلام الفارغ ده
- دي نقلت على الخطوة دي بسرعه اوي مش زي اللي  
قبلها
- ياعم دي بقت اسطوانه مشروخة فكك فكك وسبني في  
القمر الهادي ده
- انت ما بتعتقش بقولك البت شكلها محترمة قالها بضيق
- نظر له فارس بأستغراب
- ايه ياعم هي قريبتك ولا عجبك ولا ايه

- اه لا لا ولا قريبتى ولا حاجه ياعم انا بس البت صعبانه  
عليا شكلها غلبانه عاجباني ايه بس
- وبعد انتهاء المحاضرة خرج فارس وظل في سيارته حتي  
انتهى اليوم وخرجت حياء من المدرج جائها فارس سريعا
- فارس سالم رابعه كلية بطل الجمهورية في السباحه
- ومد يده ليسلم عليها تركت يده ممدوده ونظرت اليه  
ونظرت لسمر واخذتها ومشيت بعيدا  
أحس رامى بالسعاده
- ها ها هاهاها مش قادر ايه يابطل
- بس يارامى مش نقصاك
- طيب طيب هاهاها تعال نأكل حاجه قبل ما نمشي
- مليش نفس
- لا اهدي يابطل انا هموت من الجوع وانا سكت اهو يلا  
بيننا
- كان فارس لا يأتى الكلية الا يوم واحد في الاسبوع لدكتور  
معين رسب فارس في مادته بسبب مشكلة معه العام الماضى  
حتى ذهب فارس واعتذر في بداية العام للدكتور فالزمة  
بالحضور لمحاضراته اسبوعيا حتى يتم نجاحه.

كانت حياة كالعاده في الكافيتريا تجلس مع شلة الاصدقاء  
حتى مر من امامهم شديد الوسامة والعضلات المفتولة  
والجسم الرياضي.

- واو من الموز ده
- مش عارفاه دا فارس بطل الجمهورية في السباحه وفي  
سنة رابعه كلية للمرة الثانية وكل بنات الجامعه هتموت  
عليه
- تموت البنات اه انا لأ - انا اخلية يموت فية
- مش هتعرفي يا حياة
- بكرة تشوفي يا لمي
- يلا بينا دلوقت وبعدين ابقى وريني
- يلا بينا ايه انا لسه عملت حاجه
- ياستي دا بيتدرب في نفس النادي الي بتروحية يعني  
تقدر تشوفيه بسهولة
- ذهبت الفتاتان الي حياء وسمر كلا من لمي وحياء
- سلمت حياة علي سمر وقبلتها فهما مع بعضهم منذ  
الصغر اما لمي
- اهلا يلا شيخة سمر
- شيخة اهلا يا لمي انا ماشية يا حياء باي يا حياة

- استني نوصلك معنا يا سمر
- لا معلنش يا حياة ملي بيتها بعيد وهتأخر لو جيت معاكوا طريق ملي مش طريقي
- يلا يا حياء عشان الحق اروح انام شوية قبل ما انزل النادي
- يابنتي هو النادي كل يوم
- طبعا دا لازم يبقى كل يوم
- اشمعني؟
- بعدين تعرفي في نفس الوقت
- رامي انا عايزك تعرفلي كل حاجة عن البنت دي ساكنة فين بتروح فين
- الصنارة غمزت ولا ايه يابطل
- صنارة ايه ياعم انت مش فارس سالم اللي تكرفة بنت
- واخذ يفكر ويفكر ففارس سالم ذلك الفتى الرياضي الوسيم صاحب العضلات المفتولة وبطل الجمهوريه في السباحة معشوق البنات في الجامعه والنادي لا يمكن ان ترفضه بنت اي كانت.

## -5-

ومرت الايام حتى عرفت حياة مواعيد تدريب فارس في النادي واستعدت حتى تبدأ عملها

وفارس أصبح يذهب للكلية أكثر من مرة من اجل رؤية حياه ولكن أكثر من محاولة باءت كلها بالفشل والكسفة من الوهلة الاولي مما زاده تصميمها على الاستمرار في ملاحقتها وعرف عنها كل شئ وعن اختها حياة والتي من الحديث عنها لم تثير اي اهتمام به نظرا لكونها لا تختلف عن اي فتاه عرفها من قبل لكن حياء كانت مختلفة بكل شئ.

وفي يوم الجمعة

- بابا انا راحة النادي عايز حاجه
- هو كل يوم نادي يا حياة
- يا بابا يا حبيبي انا الصبح في الكلية بروح النادي افك شوية واشوف صحاي وبعدين دا النهارده الجمعة يوم الاجازة
- ياسلام دا على اساس إنك ما بتشوفيهمش الصبح
- ايه يافوفا ياقمر انت مع مين
- مع مين يا عني ايه يابت لو عايزه تخرجي خدي حياء معاكي

- ياماما والله بقولها هي اللي ما بتحش تخرج خالص  
اعملها ايه
- انا رأيي من رأي ماما لو عايزة تخرجي خدي حياء معاكي
- حاضر بابا
- ذهبت حياة الي غرفة حياء
- روءه حبييتي
- روءة؟ وحبييتي؟ وريني وشك كده اه وشك اصفر ودرجه  
حرارتك عالية انا قلت كده برده
- بطلي رغي وقومي البسي يلا بسرعه بسرعه
- البس ايه وهنروح فين
- هنروح النادي انا كنت راحة وبابا وماما قالولي مفيش  
مرواح من غير اختك روءة حبييتي وروح قلبي وفشتي  
ووكليتي يرضيكي كده ماروحشي ياعني ها يرضيكي وانا  
قاعده زهقانة وانت سيباني وقاعده اما بتذاكري او  
بتقراي ها يرضيكي يرضيكي
- بس بس ايه راديو خلاص خلاص جاية معاكي انا اصلا  
كنت عايزة انزل اجيب كتاب من المكتبة اللي جمب  
النادي

- راديو؟ قديمة اوي انتي يا حياء بس بردو طبعاً روءة  
حبييتي ورح قلبي ربنا يخليكي ليا البسي وانا مستنياكي في  
العربية.

دخلت حياة وحياء النادي وبمجرد دخولهم جذبت حياة حياء  
للذهاب في اتجاه حمام السباحة وجلسوا سويًا عند الكافتيريا  
المواجهه لحمام السباحة

دخل هو وشلته المعتاده وصديقة رامى

- اوبا يامعلم بص مين قاعد هناك

- فين

- عند الكافتيريا صحبتك اللي مدو خاك

- بجد متأكد طب بطل تبص

- بجد متأكد ربنا يستر واخذ رامى يفكر (انت وقعت ولا  
الهوا رماك)

ذهبوا للتمرين وما ان رآته حياة حتى قفزت واقفة

- رايجه فين يا حياة

- رايجة حمام السباحه

- بس دا ميعاد التمرين

- منا عارفة

ظلت حياء مكانها تقرا كتاب



ذهبت حياة لمشاهده التمرين واخذت تشجع فارس من  
المدرجات مع بعض الفتيات حتى انتهى التمرين  
ذهبت بعض الفتيات الي فارس للتصوير معه  
وقفت هي بعيدة حتى انفضت الفتايات ثم تقدمت منه

- انا عايزة توقيعك
- اوك هاتي اوقعلك
- انا عايزة حابه منك توقعلي عليها
- اندهش فارس من جرأتها
- ايه انت عايز تعاملني زي اي معجبة
- انا متبعاك من زمان من وانت صغير في المدرسة واول  
بطولة جمهورية اخذتها تحت سن 15 سنة وانت عمرك  
كان 13 بس وكنت أصغر مشترك فيها
- (كانت حياء قد اعدت سيرته الذاتية وحفظتها جيدا واخذت  
تحصي له بطولاته ولكن ما لا تعرفه انها لم تكن المرة الاولى  
التي يسمع فيها فارس الفتيات تتحايي بإنجازاته فلقد كان  
محط انظار الجميع)

مال راми ناحيته

- خليك في اختها واضح انها فري وسيب الغلبانه في حالها

ابتسم لها فارس واخذ يتحدث معها حوالي الساعه وخرج  
معها الي الكافتيريا مسرعا عندما علم ان اختها تنتظرها

- كل ده يا حياة انا كنت همشي

- معلش ياروءة

نظرت لها حياء بغضب

استمرت حياة

- اعرفك بفارس سالم بطل الجمهورية في السباحه تصدقي

دا طلح معنا في الكلية

- اهلا

مد يده ليصافحها فلم تمد يدها

- دي كده تاني مرة وخدي بالك الثالثه تابتة

- يلا يا حياة احنا اتأخرنا

- تانية هو في اولانية انتو تعرفو بعض

- يلا يا حياة والا هروح لوحدي

- حاضر حاضر

كتبت حياة رقم هاتفها لفارس سريعا وذهبت خلف اختها  
مسرعة

- ابقى كلمني يا فارس معلش لازم امشي احسن لو روح  
من غيري بابا هيبهدلني  
ركبا السيارة وفي الطريق
- انت قابلتي فارس قبل كده يا حياء
- دا بني ادم قليل الذوق ومستفد
- انتو تعرفو بعض
- ابدا ياستي كذا مرة وانا طالعه من المدرج الاقيه بيوقفني  
وعايز يكلمني وكل مرة بسية وامشي  
احست حياة بالغضب الشديد
- ليه هو عايز منك ايه
- انا عارفه دي عالم مستفزة
- يعني قابلية كتير في المدرج
- انا عارفة يا حياة بقولك هو اكر من مرة وانا طالعه  
بشوفة معرفش بقي بيطلع منين  
ذهبو االي البيت
- \* وذهب فارس الي الفيلا الخاصة به التي يعيش بها هو  
ووالدته وابوه رئيس مجلس ادارة إحدى الشركات واخته  
لميس اولي اداب

فيلا في التجمع الخامس كبيرة جدا تشعر من النظرة الاولى  
انها قصر فبعد دخولك من البوابة ممر طوي من الاشجار  
ونافورة في وسط الميدان في نهاية الطريق عليها تمثال لاميرة  
راقصه

اما داخل الفيلا فكل شئ على الطراز الاوربي فكل الاثاث  
مستورد من الخارج الانتزية والسفرة والغرف وكل شئ  
فوالدة فارس تتبع كل خطوط الموضة من اثاث وملابس  
وكذلك في النادي وكل شئ وكيف لا وهي السيدة فريدة  
عاطف ابنة عاطف باشا خيرى رجل الاعمال المعروف.

- انت جيت يا حبيبي
- ازيك يا ماما عامله ايه
- اهلا يا فالح كنت فين كل ده
- ازيك يا بابا كنت في التدريب وخلصت قعدت مع اصحابي  
شوية
- اهو دا اللي انت فالح فية انما تيجي الشركة وتشوف  
فلوسك انت وأمك واختك لا
- يا بابا انت عارف ان بطولة العالم كمان كام شهر سيبني  
أخلص وبعدين يحلها حلال
- خلاص كفاية كده يلا نتعشي الاول
- مليس حبيبتي اخبارك ايه

- كلو تمام يأبو الكباتن انت اخبارك ايه
  - كلو تمام ياكوتش
  - والتمارين والاستعداد للبطولة ياكابتن
  - كلو تمام ياكوتش
  - وريني العضلات
- أبرز فارس عضلاته لشقيقتة فأخذت تعض فيها
- لأ حديد وريني صدرك
- نفخ فارس صدره فأخذت تضرب بقبضة يدها عليه
- هو دا الكلام انزلي عشرة ضغط
  - حاضر ياكوتش 1 ، 2 ، 3 ، 4 اي اي بانث اللذين
  - كانت لميس قد جلست فوق شقيقها فطرحت في الارض
  - انا قلت إنك خرع لا بطل ولا حاجه
  - خرع ... ماشي انا هوريكي
  - رفعها فارس وطرحها على الاريغة واخذ يضرب فيها بدعابه
  - خلاص ياولاد يلا العشا
  - حاضر ياماما
  - وجلست الاسرة تتناول العشاء

## -6-

توالت الايام وحياء تحدث فارس في الهاتف وهو يتجاهلها  
وعندما يحدثها يحاول ان يعرف معلومات عن اختها حتى  
علم انها تهوي القراءه وبعض المعلومات الطفيفة حتى لا  
تشعر حياة انه يستدرجها لأختها

وفي يوم ذهب للكلية وبعد المحاضرة

- انسه حياء ممكن نبدا من جديد
- يوه وبعدين معاك بقي
- في حاجه يا حياء
- مفيش يا سمر يلا بينا
- بعد اذنك يا انسة حياء اسمعيني مرة واحده
- انا هستناكي يا حياء وذهبت سمر للامام قليلا
- انا عارف ان حضرتك كنتي علم رياضة وانا ضايع  
ومستقبلي بين اديكي
- وانا مالي
- انتي عارفه إني عايد المادة دي قبل كده واكيد عرفتني ان  
الدكتور دا قاصدني

- وانا هاعرف منين
- المهم دي الحقيقة وانا عارف ان حضرتك بتكتبي كل المحاضرات فلو ممكن كشكول حضرتك ارجوكي انا مستقبلي هيزيع والله ابويا حالف عليا لو سقطت منا رايع بطولة العالم يرضيكي مرحش واضيع بطولة العالم على مصر
- ياه يعني على كده انا بخدم مصر مش بخدمك
- وتبسمت حياء لأول مره في وجهه فظل ينظر اليها حتى لاحظ كل المحيطين
- اول مره اشوفك بتضحكي ابتسامتك حلو اوي
- وبعدين بقي
- انا اسف صدقيني مقصدي انا اسف
- اوك الكشكول اهو الاسبوع الجاي يكون عندي قبل المحاضرة بيوم عشان اذاكر
- اوك اوعدك يكون عندك في ميعاده
- ذهبت حياء وهي تبسم
- قابلتهم حياه
- ايه يابنتي اتاخرتي ليه

- أصل اليوم كان طويل اوي معلش يا حياه المحاضرات  
بوخت انتي عارفة دخلنا في الجد بقي.
- هزت حياة راسها وذهبوا في طريقهم
- وبالفعل قبل المحاضرة بيوم اتاها فارس وانتظرها امام المدرج
- انسه حياء
- مصر وقت بوعدها
- ههههه دا انتي بتهزري عادي
- افندم
- لأ اسف ما اقصدش متشكر جدا بجد طريقتك في الشرح  
هايله انا اخدت فيها 100 درس قبل كده بس بجد طريقة  
كتابتك رائعة وخصوصا جزئيات واخذ يشرح لها جزئيات  
هي تسردها بأسلوبها بعيدا عن طريقة الدكتور
- دا انت ذاكرت كمان
- اعمل ايه من مش هعدي المادة دي من غير مذاكرة بجد  
وعشان كده عاوز الكشكول بعد ما تخلصي بكرة
- دا مصر استحلتها بقي
- لا والله- بس بصراحة هاخذ الكشكول مكتب ترجمة  
عشان في ألغاز انا مش عارف افك شفرة الخط فيها
- ألغاز ايه



- عدد لها فارس 8 جزئيات لا يفهم من خطها شئ فيها
- ممكن رقم تليفونك عشان ابقى اسئلك علي الجزئيات دي
  - لأ
  - لأ؟؟؟ ليه
  - ها خليك تاخذ الكشكول بعد المحاضرة
  - واستمر لمدة اربعة اسابيع يأخذ الكشكول ثم يعود به اليها كل هذا ورامي يموت من الغيظ
  - احست حياه بجديته واحتياجه الي الشر-ح وانه فعلا يذاكر بجدية من اجل النجاح وفي يوم
  - بكرة بعد المحاضرة نبقي نقعد انا وانت وسمر في الكافيتريا اشرحلكوا الجزئيات الي كنت قلتلي عليهاعشان سمر بردو مش فاهمه الجزئيات دي
  - بجد بس سمر سمر مين؟
  - انا سمر حضرتك في حاجه
  - لا ابد يا انسة سمر انا بسأل بس
  - اوك نتقابل بكرة
  - تقابلوا في الموعد المحدد ودخلوا الكافيتريا فوجئت حياة بحياء وسمر برفقة فارس

اخذت تنظر حتى كادت ان تجن

- هما دول الالتزام والادب شفتي اختك يا حياة
- بس يا لمي انا مش نقصاكي دلوقتي خليني اشوف في ايه
- وجدتهم يجلسون وفارس وحياء يضحكون
- الله الله انتو عاملين عزومة من غيري
- عزومة ايه يا حياة دا استاذ فارس عايزني اشرحلو حاجه هو وسمر مش فاهمينها
- والله طيب
- اه والله يا حياه منا لازم انجح في الماده دي لأما بابا مش هيخليني اسافر
- والله ربنا يوفقك
- جلست حياة تنظر إليهم والغيط يأكلها حتى قالت
- اظن احنا اتأخرنا اوي يا حياء
- حاضر يلا بينا ياسمر عن اذنك يا استاذ فارس
- اوك اتفضلي ونكمل بعدين
- ان شاء الله
- تمت حياة -هو لسه في بعدين
- يلا بينا

وذهبت حياة الي السيارة ومجرد ركوب حياء وسمر ساق  
السيارة بغضب حتى لم تنتظر لمي صديقتها

وفي المساء كلمت فارس

- ازيك يا استاذ فارس

- ازيك يا حياة ايه استاذ دي

- اعملك ايه بكلمك زي حياء يمكن أعجب

فهم ما ترمي اليه حياة

- يابنتي انا فعلا هسقط لو اختك ماذكرتش ليا دي بجد  
شرحها ممتاز

- ياسلام ماشي ياعم

- بس هي اختك علطول مقفلة كده

- هي اصلا عايشه في دور فريدة

- فريدة مين

- ياعم دي رواية هي قرأتها ومرتبطة بيها اوي وعائشالي  
الدور هي كده علطول عايشة فيها شافت برنامج عن  
الطيور بابا انا عايزة عصافير ومسمياهم فريدة وحسين

- اه طيب

وبعد ان اغلق الهاتف اوف

- ايه ياعمنا انت مش عايز تكرفها ليه البت دي

- ياعم رامي افهم بقي انا باخد منها المعلومات اللي تفيدني  
ومش عايز ازعلها عشان متضرر بش أسفين عند حياء  
تضيعني

- قال رامي في نفسه (طول عمرك واطي)

- المهم هاتلي الروايه دي عايزها تكون عندي النهارده

- ليه

- هتعرف بعدين

وتقابل فارس مع حياء وسمر في نفس المكان وكانت تأتي  
معهم حياة وتعددت المقابلات واخيرا اخذ فارس رقم هاتف  
حياء وأصبح لا يرد علي حياة الا بين الحين والآخر ويعمل بمش  
فاضي مشغول

وأصبح يتحدث مع حياء مره على الاقل يوميا أصل كنت عايز  
اسألك على حاجه أصل في حاجه مش واضحة في المادة اصل  
في جزئية مش واضحة

وتعلقت حياء هي الاخري بفارس كثيرا

واصبحت تسرح وتنتظر مكالمته

- هاي انت فين يابنتي

- ها يا سمر بتقولي حاجه

- بقول حاجه اللي واخذ عقلك يا حياء

- مش عارفة ياسمر ايه اللي انا فيه ده انا

- [illegible]

- هو مين ده
- حبيب القلب
- وبعدين معاي ياسمر انا ماشية
- بهزر معاي نجح وجاب فيها جيد ابن اللعبة
- بتكلمي جد
- اه والله انا شفتها بنفسي
- طيب تعالي وريني فين
- اهو ياستي اهو فارس سالم عبد الرحمن
- ظهرت البهجه على وجه حياء وازدات اشراقا
- هو انا ينفع اكلمة افرحه أصلوا كان قلقان اوي
- كلمية ياختي ومالو
- وبعدين بقي خلاص مش مكلماه
- بهزر معاي الله
- اوك هكلمة
- نظر فارس الي شاشه هاتفه واندهش تمام
- الو دا بجد اسمك اللي ظهر عندي دا ولا بحلم اكيد بحلم
- صح
- اقفل يعني

- [illegible]

- ها ايه
- انا مش عايز رد منك دلوقتي انا مسافر الاسبوع الجاي  
ولما اجي ابقي اعرف ردك
- ايبويه مسالافر؟
- اه مسافر الاسبوع الجاي علطول كده
- هوحشك؟
- صمتت حياء
- اوك انا مش هضغط عليك بس عايزك تعرفني اني بجد  
بجبك جد اااااااااا
- طيب سلام بقي وقفلت الخط
- سلام يا وش السعد عليا
- وعلي الجانب الاخر
- ايه انت طبيت ولا ايه
- ها مش عارف يارامي
- مش عارف يارامي؟ قتم رامي انت من امتي بتحب يا  
فارس وملقتش غير حياء
- ومر الاسبوع سريعا وفارس وحياء يتحدثون يوميا
- وفي اخر مكالة قبل السفر



- خد بالك من نفسك ومتبصش لبنات بره انا عرفاك

- بتغيري عليا

صمت

- طيب مش هتقوليلي ردك قبل ما اسافر

صمت

- اوك مش هضغط عليكى تصبحي علي خير عشان الطائرة

معادها الفجر

هتوحشيني

لم يتلق رد.

- فارس

- نعم

- وانت كمان واغلقت الخط

كانت حياة تستمع اليها وتتابع كل ما يحدث وهي تكاد تجن

بقي كده ياعم فارس انا تسبني وعشان خاطر مين عشان

خاطر مثال العفة والطهارة الست حياء ماشي يافارس لما

ترجع...؟؟؟؟؟؟؟؟؟؟

ذهب فارس الي البطولة وحقق مركز متقدم لكن لم يحصل

على ميدالية ولم يحقق رامي اي مركز يذكر

وعاد بعد انتهاء البطولة

وهمجرد نزولة الي المطار امسك هاتفه

- وحشتيني.

مفيش وانت كمان ياباي عليكي دا انت اول صوت قلت  
اسمعه بعد مانزلت ارض مصر قبل حتى ابويا وامى والله

- وحشتني على فكرة

- ها ايه قلتي ايه

- مش هقولها تاني

- عشان خاطري مره كمان بس

- وح شتني او ي

- يابرکه دعاكي ياما لحظة واحدة

- قوم ياعم انت بتسجد على ايه امال لو كنت جبت  
ميداليه

- اسكت ياعم رامى انت مش عارف حاجه دا انا اخدت  
الذهب

- انت مجنون والله على فكرة وانا كده هاغير رأيي

- خلاص انا عقلت اهو خلاص

- وانا بحب جنانك اوي

- يالهوريبيبيبيبيبيبيبيبي وربنا انتي بجد الميداليه الذهب بتاعتي
- نعم يعني هاتعلقني بقي ولا ايه
- دا هاعلقك وأطلع عليكي اللي عملتية فيا
- بقي كده
- بجد يا حياء بحبك اوي
- سلام بقي عشان زمان باباك وممامتك مستنينك
- اوك سلام يأحلي حياء

## -7-

ومرت الايام وحياء وفارس يتحدثوا يوميا ويمطرها فارس  
بكلمات العشق والغرام

\*وفي النادي جلست حياة وحياء وسمر

- انتو سمعتوا ان في رحلة طالعہ شرم کمان اسبوعين
- طب واحنا مالنا يا حياة
- مالنا ازاى ماتقوليلها حاجه ياسمر
- بصراحة انا نفسي اروح شرم انا عمري ما رحتها بس  
خايفه؟
- خايفة من ايه ياسمر؟
- اكيد فيه ولاد وحسين خطيبي هيرفض
- الولاد بيبقوا في دور والبنات في دور وبعدين الفرصة ما  
مبتجيش غير مرة واحده ياسمر
- هفكر واشوف راي حسين استنوا هروح اكلموا وانتي يا  
حياة
- انا ايه انا مليش في الكلام ده
- روءة حبيبتي ابوس ايدك ابوكي مش هيطلعني من غيرك

- مليش دعوة
- جاءت سمر مسرعه
- عشان خاطري انا يا حياء انا ماصدقت حسين وافق دا  
طلع عيني يقولي مفيش نزول ميه مفيش هزار مع  
الشباب قال يعني انا بهزر؟ عشان خاطري انا ما صدقت  
عشان مرحتش شرم قبل كده
- ما تطلع مع ملي صاحبته
- ملي دي ضايعه طالعها مع واد صاحبها الغردقة علي حس  
الرحلة دي
- يانهار اسود
- وانا مالي انا قتلتها بلاش هي مفيش فايده فكك منها  
هتطلعي ياعني هتطلعي ياروءة يا حبيبتي
- عشان خاطري يا حياء انا عايزة اطلع بصراحه وحياتي  
عندك دا أنا سمر حبيبته
- اوك هافكر وامري إلي الله
- في المساء\*
- ايوة يا حبيبة قلبي
- بس بقي يا فارس
- ايه في ايه بحبك بحبك فيها ايه دي

- اهدي بس عايزة اقولك على حاجه
- قولي ياقلبي الي انت عايزاه
- في رحلة طالعہ شرم و انا و سمر و حياء رايحين
- امممممممممم ليه كده بس
- والله سمر الي قعدت تتحايل عليا هي و حياء
- انا مش خايف من سمر انا خايف من حياه دي بتقعد تهزر مع الولاد وليها شله اكيد طالعين و مش هيبتلو هزار لا يا حياء بلاش الرحله دي
- والله بيقولو احنا بنبقي في دور لوحدا والولاد في دور
- طب وفي الاتوبيس
- ها مفكرتش فيها دي
- خلاص يبقي لأ
- وبعد تفكير قال فارس
- هاقولك على حاجه نساfer بالطيارة
- ها مين نساfer دي يا فارس
- انا وانتي و سمر و حياء
- ايه لأ طبعا ايه الي بتقوله ده
- انا مش هاقبل إنك تسافري معاهم في الاتوبيس انا سافرت رحلات كتير و شفت ايه الي بيحصل

- ايوه تلاقيك كنت بتعمل زيهم
- مش موضوعنا انتو هتجزوا الرحلة وتطلعو البرنامج في شرم معاهم بس نساfer بالطيارة ونرجع بالطيارة
- ها مين ايه انت نساfer دي جامع نفسك فيها
- اكيد طبعا امال اسيبك تسافري لوحدة
- ايه انا ماقدرش اطلع معاك في حته
- حياء انا بحبك وبخاف عليكي جدا واعتبريني زي اي زميل في الرحلة لا كده او مفيش طلوع
- هاشوف حياة وسممر
- ما تقوليش لحياة ان انا اللي قلت كده خليها انها صدفه
- ليه
- ها حياة مجنونة وانا مبحبش تصرفتها تجيب حد من شلتها معانا ونبقي معملناش حاجه
- اوك هاشوف
- على فكرة هاعرف ماما وليس عنك
- ها ايه هتقول ايه
- ها أقول اني بحبك ومقدرش اعيش من غيرك واني بمووووت فيكي
- انت بتتكلم بجد
- اه والله

- يامجنون
- حياء انت بجد غير اي حد عرفته انا بحبك
- وأنا والله بحبك اوي يا فارس
- ها مين فين
- سلام يا فارس واغلقت الهاتف وهي تبسم
- وذهبت الي حياة
- حياة انا مش هينفع اطلع الرحلة في الاتوبيس مع الولاد
- دا السفر حوالي 8 ساعات والشلة بتاعتك انتي مش
- هتبطلي هزار معاهم
- ايه مش هتطلعي دا أنا ظبت كل حاجه وحجزت ولسه
- كنت هجيلك عشان تكلمي بابا ايه ياروءه يا حبيبي
- يا حياء ما أنتي عارفة إني مليش في الجو بتاعكوا ده مش
- هينفع
- روءة حبيبي انا مستعدة اعملك الي انت عايزاه بس
- ارجوكي ارجوكي بلاش تفكري متطلعيش اقولك ياستي
- نروح بالعربية
- لأ عربية ايه احنا نروح طيران ونتقابل هناك مع بتوع
- الرحلة
- اوك حبيبي ياروءة انا موافقة
- خلاص ها أروح أكلم بابا واعرف سمر عشان تيجي معانا



- ايوه كده ياروءة ياعسل
- وذهبت حياة سعيدة بالذهاب الي الرحلة
- وذهبت حياء لتحدث والدها وتحدث الي سمر
- في منزل فارس في غرفة ميس شقيقه فارس
- ايوة يا حبيبي
- وحشتيني ياميس
- انا زعلانه منك
- ليه يا حبيبتي؟
- بقي كده هاتقعد اسبوع بحالة مسافر مأشوفكش فيه
- يا حبيبتي انا طالع مع اصحابي اغير جو شوية انتي عارفة
- الامتحانات والتدريب افك شوية وبعدين انا ها أكلمك
- كل يوم
- ماشي ياعم بس لو عرفت ان عينك زاغت على حد
- انا أقدر يا قمر دا انتي كل حاجه في دنيتي وماليا عليا
- حياتي
- ربنا يخليك ليا يا حبيبي يارب يلا روح جهز حاجتك
- عشان السفر ياعم وعشان صوت فارس جه
- بردو مش عايزاني اقوله

- يا حبيبي فارس مش زي ما انت فاكر هو مقضيها اه بس  
مش هيفهم ان في حاجه اسمها حب بجد وأن انت ناوي  
على ارتباط حقيقي اول ما أخرج دا أخويا وانا عرفاه
- انا بس خايف يعرف وانا عارف انه متهور
- متقلقش انت من حاجه أخلص بس السنة اللي فاضله  
علي خير وكلة هيبقي تمام
- اوك يا حبيبتني سلام
- سلام يا حبيب قلبي
- ارقمت لميس علي السرير وهي تنظر بسعاده وتسرح في  
البعيد
- خبط على باب غرفتها فقامت مفزوعه
- ازيك يا كوتش
- اهلا اهلا يا أبو الكباتن اخبار التدريب ايه
- تدريب ايه انا رايح افك اسبوع في شرم
- ايه انت رايح الرحلة بتاعت شرم
- وانت عارفة منين عن الرحلة دي
- ها صحابي بنات قالولي عليها
- انا رايح هناك بس مش معاهم
- يعني ايه

## دخلت الام إليهم

- ايه بتتودودو في ايه
- تعالي ياماما عايزك في موضوع
- خير استر يارب من مواضيعك دي
- لا الموضوع ده هيرح بالك اوييييييييي
- لا مش معقول قر واعترف مين دي اللي وقعت كابتن فارس الفارس الهمام محطم قلوب العذاراي
- بس يالميس سببي اخوكي يتكلم موضوع ايه يافارس
- ياماما لسة معرفتيش بقولك كابتن فارس وقع وطب
- بس يابت اتهدى شوية وسيبيني اتكلم ايوه ياماما في واحده بحبها بجد عايز اخطبها
- مين دي وبنت مين
- باباها كان شغال في الكويت ودلوقتي فاتح شركة تجارة ادوات كهربائية وساكنين قريبين منا هنا في التجمع
- ودي عرفتھا منين
- معايا في الكلية في سنه رابعه السنة دي انا طالع شرم اسبوع واوعدك اول ما ارجع والله هروح مع بابا الشركة والمصنع وانتظم في الشغل معاه واشيل المسؤولية معاه عايزك تمهدي لبابا على ما ارجع عشان نروح نزورهم
- اوك يا حبيبي ما تقلقش وسيب ابوك عليا

- سيدي ياسيدي ع الحب واللي بيعملة الحب

خط فارس لميس بالمخده في وجهها وخرج سعيدا

وفي يوم السفر ركبت حياء وحياء السيارة وربطوا حزام  
الامان في الطريق الي المطار وركب فارس سيارته الي المطار  
لايعلم كل منهم ان هذه الرحلة ستقلب حياتهم رأسا على  
عقب؟؟؟؟؟؟؟؟؟؟

### في الطائرة

- ايه ده مش معقول حياء وحياء
- فارس؟؟؟؟
- ايه المفاجأه دي
- حياة تحدث نفسها بقي كده ياست حياء انت وسي فارس  
بتلعبوها علياوالله لأوريكوا ونشوف مين اللي ها تفوز مش  
حياة اللي يتلعب بيها ومتاخدش اللي هي عايزاه
- اهلا يا فارس ازيك مقلتش إنك طالع وانا بكلمك يعني  
نظرت حياء مندهشة الي كل من فارس وحياء
- ها ما انا ماعرفش ان انتوا طالعين انتوا رايعين تغييرو جو  
ولا ايه؟
- نظرت حياة بغل
- لأ طالعين مع الرحلة بس ست حياء قالت مينفعش نطلع  
مع الشلة نركب الطيارة أصل هواها حلو

نظرت حياء ولم تعقب

- دا من حظي الحلو

تمت حياة حظ بردو ماشي والله لأجيبك يا فارس

- ها بتقولي حاجه

- لا ولا حاجه بقول دي هتبقى رحلة حلوة اوييي

اراد فارس تغيير مجري الحديث

- فين سمر انتوا ما بتسيبوش بعض ابد

قالت حياء والصوت لا يكاد يخرج منها

- اصلاها بتخاف قالت انا عمري ما ركبت طيارة قبل كده

فخافت تيجي معانا وهتروح بالالتوبيس

- اوك

وهبطت الطائرة مطار شرم الشيخ وذهبوا جميعا الي الفندق

قبل ان تأتي الرحلة بوقت كبير

ذهبت حياء وحياة الي غرفتهم وفارس الي غرفته

لم تتحدث حياء ولا حياة كل يفكر فيما حدث

حياة تخطط للانتقام من حياء وفارس لأنهم خدعوها

وحياه تخشي مواجهه حياه لأنها لا تقوي علي مواجهه وفي  
نفس الوقت تفكر هل يتحدث فارس وحياة هل يخدعني  
فارس

حتى انت الرحلة

فقابلت حياء سمر وحكت لها كل ماحدث في الطائرة

- طيب وانت هتعملي ايه يا حياء
- مش عارفة انا حاسه ان كل حاجه عملتها كانت غلط انا  
مش عارفة أفكر ولا عارفة اعمل ايه
- انا من رأيي إنك ما تتسرعيش وواحد واحد هيبان كل  
شئ بس ماتتسرعيش انتي بنفسك قلتى ان فارس اتغير  
وانا وكل الناس حوالية في الجامعة والنادي شايفين انو  
اتغير بلاش تظلمية انت ممكن يكون عندك حق وممكن  
تكون كلها اوهام

- خلاص هنشوف وكل شئ هيبان

يلا بينا بقي عشان نلحق برنامج الرحلة

وذهبوا جميعا الي الشاطئ وهناك نزل الجميع الي البحر عدا  
سمر وحياه وارتدت حياه مايوة بيكييني كجميع الفتيات على  
الشاطئ

- نظرت حياة إليهم مش هتنزلو ولا أيه

- ايه الي انتي لابساه دا يا حياة عيب كده

- عيب ايه انتي مش شايفه اللي نازل لابس ايه انتي مش  
واخده بالك ولا ايه عايزاني البس خيمة
- خيمة؟ علي الاقل براعي ربنا
- طيب راعي ربنا كويس وانا هانزل دا حتى فارس هناك  
اهو وبيلعب مع البنات
- نظرت حياء سريعا تجاه اشارة حياه فوجدت فارس يلعب  
بالكرة مع مجموعه من الشباب وبجوارهم بعض الفتيات  
يضحكون ذهبت حياة إليهم واخذت تقفز وتلعب معهم  
وخصوصا مع فارس لتستفز حياء اخذت حياء تنظر اليهم  
قليلا حتي استشاطت غضبا فقامت مسرعه واخذت سمر  
تنادي عليها فلم ترد سمعهم فارس فخرج مسرعا وجري  
خلفها
- راحة فين يا حياء
- راجعه الفندق وخليك مع البنات بتوعك
- بنات بتوعي انا مفيش غير بنت واحده انا اللي ملكها
- اه ماهو واضح
- طيب من فضلك استني لحظة واحده اغير هدومي واجي  
معاكي
- لا خليك انا عارفه طريقي - واستمرت في المشي
- امسك فارس يدها - في ايه يا حياء لحظة واحده من فضلك



وذهب فارس ولبس البنطلون والتيشرت سريعا فوق المايوة  
وعاد اليها سريعا

- يلا بينا ومن فضلك قوليلي في ايه انتي شفتي ان احنا كنا  
بنلعب لوحدا والبنات هما اللي جم يگتتوا علينا اعمل  
ايه

- ولا حاجه روح كمل لعب معاها حد طلعتك  
- حياء دي مش طريقة وعموما ياستي لو انا غلطان انا  
اسف بس ارجوكي بلاش اشوفك كده انا مقدرش علي  
دموع عيونك دي

كانت حياء تحاول كتمان دموعها ولكن هيهات هيهات ان  
تتحكم في دموع تبكي حبيب فكم من عاشق فضحته عيونه  
قبل ان يقول سواء بحب او بغضب

وهذا ما فعلته عين حياء تركت دمعها حزينه تخرج من  
عيونها تنسدل على خدها

فقالت وهي تبكي

- انا مش عارفة حاجه مش عارفة اليي بعملة دا صح ولا  
غلط انا مش عارفة انت بتكذب ولا بتتكلم جد مش  
عارفة مش عارفة

- انا عمري ما كدبت عليك في حاجه يا حياء  
- ومقلتلش ليه إنك بتتكلم مع حياة في التلفون

- ها دي دا انا انا وحياة بتكلم صحاب عادي
  - عادي ازاي يعني
  - انا هقولك على كل حاجة بصراحة
- انا حياة كلمتني كأصحاب في الاول وانا بصراحة كلمتها عادي  
 عشان عاوز اوصلك انا عملت المستحيل عشان اقدر اقف  
 اكلم كلمة معاكي واسمع كلمه منك
- كنت بتكلم معاها عادي والله عشان بس اعرف حاجه عنك  
 بس والله ما عملت حاجه من دي معاكي غير في موضوع  
 العصافير
- نظرت له حياء والشرر يتطاير من عيناها
- اسمعيني للأخر انا عرفت حاجات كتير منها وكان ممكن  
 استغل الحاجات دي بس والله حبيتك بجد مقدرتش  
 اكذب عليك في اي حاجه ولا استغل حاجه قلت انا  
 حبيت حياء لشخصها ولازم هي كمان تحبني لشخصي  
 من غير خداع او كذب حياء انا بحبك بجد
- كانت حياء قد انهارت في البكاء
- ارجوكي كفاية مقدرش اشوفك كدة
- وضمها الي صدره فأنتنفضت وابتعدت وذهبت مسرعه ذهب  
 ورائها وامسك يدها

- انا مبكذبش عليكي صدقيني انا عرفت حاجات كتير ولكن قلت بلاش خداع عرفت انك بتحبي القراءة وتحبي رواية ايه وانك قررتها لحد دلوقت اكر من عشر مرات وجبت الرواية وقررتها خمس مرات لحد ما حفظتها وحفظت الشخصية اللي بتحبيها ولكن قلت لأنا بحب حياء من قلبي مش محتاج اعرف اي حاجه عنها من حد انا هعرف منها شخصيا

## -9-

ذهبت حياء الي الفندق وتركته واخذت تبكي

كانت سمر قد ذهبت ورائها ولم تلحقها فصعدت الي غرفتها  
وفتحت لها حياء واخذتها في حضنها اخذت حياء تبكي بشده

- اهدي بس يا حياء في ايه الي حصل لدا كله انتي لازم  
تبقي عارفة ان فارس في بنات كتير عندها عليه وكله  
شايف اهتمامه بيكي فبيغظوي

- مش ده الموضوع

- امال ايه الموضوع يا حياء

هدئت حياء وقصت علي سمر كل ما حدث

- معقول

- هو دا الي حصل تفتكري كده يعني ايه

- هو كذب عليكي اه بس فعلا هو لو كان عايز يكذب  
عليكي اكر كان يقدر يتمادي في الكذب عليكي بس هو  
مرضيش وكلامه مع حياة عادي هو مش بعد ما هيكلمك  
هيقولها معلش مش هنبقي صحاب تاني انا خلاص اخذت  
المعلومات الي عايزها منك وبكلم اختك دلوقتي

- تفتكري الموضوع كده

- اعتقد انو كان صريح معايي يا حياء لو عايز يكذب كان يقدر يكذب اكثر من كده لكن الواد صارحك اي نعم هو صايح ولافف علي حل شعره بس دا ما ينكرش انو بيحبك
- نكرتها حياء في كتفها - ما تشتمهوش
- نظرت لها سمر بأستعجاب ثم ضحك الفتاتان
- دخلت عليهم حياة
- انتو هنا عمالين تتضحكو واحنا قلبنا الدنيا عليكمو وسايبين تليفوناتكوا كنتوا فين
- ابدا حياء تعبت شوية فاخذتها وجينا علي الفندق ونسينا شنطنا علي البحر
- الشنط جبتها معايا اهي ونظرت الي حياء في لهفة مالك يا حياء فيكي ايه اجبك دكتور
- لأ مافيش انا خلاص بقيت كويسة
- هو فارس كان معاكوا
- فارس لأ ليه
- اصلو اختفي هو كمان قلت يكون معاكوا ولا حاجه
- لأ معرفش
- وفي صباح اليوم التالي
- استيقظت حياة مبكرا يلا قومي ياكسلانه هنروح البحر
- لأ روحي انتي مليش مزاج انا بروح اقعد وخلص

- طيب برحتك
- وبعد ساعه سمعت حياء طرق علي باب غرفتها
- مين (لم يرد أحد)
- فتحت الباب لتجد باقة ورد جميلة بداخلها كارت
- برغم اني عارف انك بتحبي الورد الابيض بس انا مش
- هخدعك عمري وعشان كده جبتة احمر عشان يقولك
- والله العظيم بحبك اوي وارجوكي سامحيني
- اخذت حياء الورد وابتسمت ابتسامه سعادته وضمت
- الورد اليها
- بعدها وجدت رساله علي هاتفها
- والله لو اعرف ايه احلي منك كنت هديتك بيه بس اسيب
- الورد لمين ومين يشتريه
- اخذت تضحك في سعادته
- رن هاتفها فوجدته هو
- بمجرد ان فتحت
- تتجوزيني يا حياء
- ها
- تتجوزيني يا احلي حياء
- فارس انت بتقول ايه
- بقولك بحبك بعشقتك بموت فيكي مقدرش اعيش لحظه
- من غيرك بقول متعرفيش انا كنت بموت ازاي من غيرك

ماهدتيش غير لما كلمت سمر وهدتني شوية وقالتلي انك  
كويسة - تتجوزيني.

- يافارس اهدي عليا شوية براحه مش كده
- اهدي ايه انا خلاص مش قادر اهدي انا كلمت ماما  
ولميس عليكي قبل ما اسافر وقتلتها تفاتح بابا وتعرفة اني  
هنزل معاه الشغل اول مانرجع عشان يوافق واول ما  
نرجع هجيب بابا واجيلكوا
- ايه بتتكلم بجد
- اه والله انا بحبك بجد يا حلي حياء
- وانا كمان
- طيب يلا قابليني حالا تحت
- ليه؟
- هاخذك افسحك فسحه عمرك اوريكي شرم بجد
- لأ يا فارس ماينفعش
- ليه؟
- مينفعش اخرج انا وانت بس
- خلاص هاتي سمر معنا اهم حاجه تكوني معايا
- وخرجوا وبالفعل كان يوم جميل

وفي اليوم التالي ذهبوا جميعا الي خليج نعمه  
واشترى بعض الهدايا لزويهم وقامت حياه بعمل وشم في  
محل للوشوم

ومر الاسبوع سريعا ما بين الفسح والرحلات والتسوق  
وكثير من الحب والعشق بين حياء وفارس  
ويوم السفر صباحا فارس قابل حياء وكان معها سمر  
واعطي حياء علبه

- ايه دي

- افتحها لما تروحي اوك

- اوك يامجنون انت مش هتسافر معنا

- ايه أصل لأ هسافر بليل في واحد صاحبي هنا هروح اسلم  
عليه عشان لو عرف اني كنت هنا ومرحتلوش هيزعل  
مني واسافر في طيارة بليل

- وصحبك دا ما سلمتش عليه ليه طول الاسبوع

- حد يبقي معاه القمر ده ويفكر في صاحبه بردو

- اه ياني منك ومن كلامك ماشي ياسيدي

- مالك متوترة ليه

- حياه مابتتش في اوضيتها ومش عارفه هي فين استني  
بترن عليا

- ايوه يا حياه انتي فين وكنتي فين امبارح وما بتدريش علي  
التليفون ليه-



- اوڪ مستنياڪي
- خير قالتلك ايه
- بتقولي سهروا ڪٿير امبارح وراحت مع البنات وباتت  
معاهم وزمانها جاية
- طيب ڪويس المهم اول ماتروحي ڪلميني وفاتحي بباڪي  
ومامتڪ في الموضوع عشان علي اخر الاسبوع اجيب بابا  
واجي.
- انت مستعجل اوي يابني شاور نفسڪ
- نظر لها
- هاتمشي دلوقتي ولا اجوزڪ هنا دلوقتي وانتي عارفة اني  
مجنون واعملها
- ايه بس يامجنون حياءَ زمانها جايه
- ايه طيب امشي انا سلام ياقلبي سلام ياسمر
- اوڪ سلام؟
- حياءَ جت اهي يا حياءَ هي معيطه ڪده ليه
- ذهبو اليها مسرعين
- ايه يا حياه مالڪ يا حبييتي فيڪي ايه
- مفي ش مفي ش تعبانه شوية بس السهر امبارح  
والصحيان بدري عملوي صداڪ جامد هاخذ مسڪن  
وهبقي ڪويسه



وصل الاب والام فرعين الي مكان الحادث وشاهدو حياء  
في زيتها وحجابها الممزقان وتبكي في انهيار وحياة مسجاة على  
نقاله الاسعاف مغطاة كشفو الغطاء  
فوجدوها ميتة مليئة بالجروح وملابسها التي تكاد  
تداريها ممزقة

فأغمي علي الام ونكس الاب راسه وهو يلوم نفسه اشد  
الندم علي تركه لابنته بهذه الحالة واعتقاده انه يمنحها  
الحرية لتقرر وذهب الي حياء وهو في حاله لا وعي  
- ايه الي حصل يا حياء

- قالت حياء بأنهيار مش عارفة يابابا احنا كنا ماشيين فجأه  
العربية حذفت وخرجت عن الطريق واتقلبت وحياة  
طارت برة العربية واخذت حياء في البكاء حتى انهارت  
وأغمي عليها.

ومرت الايام والشهور والحزن يخيم علي المنزل الذي كان  
يعمه السعاده واصيبت الام بجلطة نتج عنها شلل نصفي  
واصبحت تتحرك بكرسي متحرك  
وفارس يحدث حياء يوميا من اجل مواستها والتخفيف  
عنها

- انا مش عارفة يافارس من غيرك كنت هستحمل الصدمه  
دي ازاي ربنا يخليك ليا
- يا حبيبتي انا جمبك دايمًا ولولا الظروف دي كان زمانا في  
بيتنا دلوقت
- ايه بتنا
- ايوه طبعا يا حياء انا ما قدرش استغني عنك ابدا  
ومقدرش اعيش من غيرك لحظة واحده انتي متعرفيش  
انتي ايه بالنسبة ليا انا بحبك اوي يا حياء
- ربنا يخليك ليا يا حبيبي
- قلتي ايه
- يا ح ب ي ب ي
- اه ياني مش قادر يارب يعدوا الكام يوم دول علي خير  
يارب انا بابا هيموت ويشوفك
- اשמعني؟
- عايز يعرف مين الانسانه اللي خلتنى التزم بالشغل واروح  
واواظب على مواعيدي مضبوط في الشغل
- انا هتكلم مع ماما وربنا يسهل
- ايه بتقولي ايه هو هينفع بجد يعني
- هحاول واشوف انا عارفة انو مينفعش بس هشوف انا  
محتاجك جمبي اوي يا فارس

- ربنا يخليكي ليا يارب
- ويخليك ليا سلام
- سلام حاف كده
- لأ سلام يافارس
- اوك سلام
- \* وفي صباح اليوم التالي
- ماما كنت عايزة اقولك علي حاجه كده
- خير يا حبيبتي في ايه
- خير طبعا بس مش عايزاكي تضايقي
- كنت عايزة ايه
- خلاص بعدين ياماما
- يوه ايه في ايه يا حياء ماتقلقنيش
- بصراحة في واحد كان زميلي في الكلية عايز يجي يتقدملي
- شهقت الام
- واحد يجي يتقدملك واختك توأمك ميتة من خمس شهور
- انت مش ممكن تكوني حياء بنتي ابدأ من يوم الحادثة
- وانا حاسة ان فيكي حاجه غريبة وعماله اقول تلاقيها
- زعلانه عشان اختها لكن واضح انك يا حياة ولا علي بالك
- وعاشة حياتك ولا همك
- انا ياماما الله يسامحك

- بلا ماما بلا زفت قال عريس قال
- في ايه مالكو صوتكو جايب برة الفيلا في ايه
- جريت حياء علي ابيها اخذت تبكي في حضنة
- اهدي يا حبييتي اهدي يا روءة
- زاد بكاء حياء عند سماع روءة احس الاب انه اخطأ
- فتمتم الله يرحمها فهي من كانت تناديها بهذا الاسم
- في ايه بس اهدي كده وفهميني في ايه
- الست هانم الي اختها لسه ميتة من خمس شهور جاية
- تقولي في عريس عايز يجي يتقدملي ادي كل الموضوع
- اندهش الاب
- طب اهدي بس ووطي صوتك تعالي معايا يا حياء نخش
- المكتب خلى سعديه تعملنا ليمون
- حاضر
- تعالي اقعدي واهدي وفهميني ايه حكاية العريس ده
- ابدا يابابا دا واحد زميلي في الكلية وكان هيجي يتقدملي
- بس حصل الي حصل واجلنا كل حاجه فانا قلت اقول
- لماما يمكن تفرح واحاول اغير جو البيت تقوم تعمل كده
- انا ماما تقولي حياة مش فداغك انا يابابا واخذت حياء
- في البكاء
- محدش فيكو كان بيحب حياة زيي دي كانت كل حاجه
- ليا دي كانت نصي الثاني عارف يعني ايه نصك يعني كل

حاجه في حياتك دلوقتي بقت ناقصة يعني فرحتي ناقصة  
حياتي ناقصه لأ ومش اي نقص دي ناقصة النص يابابا  
عارف يعني ايه النص

وانهارت حياء تماما ودخلت الام وجدت ابنتها في حاله  
انهيار تام فاخذتها في حضنها واخذت تبكي وفجأه اغمي  
علي حياء

- حياء حياء فوق يابنتي اطلب دكتور بسرعه يا عليييييي  
حمل الاب حياء وادخلها لغرفه م جاورة بالدور السفلي  
وذهب سريعا ليأتي بالطبيب جاء الطبيب وقام بالكشف  
الطبي علي حياء

- هي تمام الحمد لله مفيهاش اي مشكله عضوية بس هي  
محتاجة راحة وتهدي وتبعد عن اي ضغط.

- مهما حدث من خلاف او في اي زمان او مكان تبقي الام  
هي الام ويبقي احساس الامومه احساس لايمكن ان  
يفسره المفسرون او يعرفوا اسراره فهو هبه من الله  
سبحانه وتعالى لا يعلم عنه الا هو

- هذا ما ظهر علي عفاف عند سماع كلام الطبيب

- اتصرف يا علي البت اللي فضلاي هتروح مني

- اهدي بس يا عفاف

- اهدي ايه شوف اللي هي عايزاه وانا موافقة شوف حدد  
ميعاد معاه وشوف كل اللي هي عايزاه

- حاضر حاضر خشي- انتي ليها وخديها فحضنك وكلمي  
سمر صاحبها تجيلها تقعد معاها شوية وكله هيبقي تمام  
ان شاء الله
- اه سمر صح هي اللي هتخرجها من اللي هي فيه
- الو ايوة ياسمر انتي فين يابنتي سايبه حياء لوحدها ليه
- ازيك ياطنط خير في ايه حياء مالها
- قصت عفاف لسمر كل ماحدث
- تعليها بسرعه ابوس ايدك يا سمر هي محتة جايي جمبها  
اوي
- حاضر يا طنط هستأذن من حسين جوزي واجي علطول
- جوزك انتي اتجوزتي امتي ياسمر؟
- ياطنط انا كان فرحي بعد الحادثه بشهر والله ما قدرت  
أأجل عشان حسين كان ظبط امور شغله والاجازة وحجز  
الفرح وكل حاجه انا اتصلت بيها عرفتها وكان نفسي-  
اجيلها بس بصراحة كنت مكسوفة اوي وخفت تكون  
زعلانه مني خصوصا انها مكلمتنيش خالص الفتره اللي  
فاتت وأنا بصراحة كنت مكسوفه أكلمها
- وانتي ذنبك ايه يابنتي انتي عارفة حياء بتحبك قد ايه  
ألف مبروك يابنتي ومعلش انها جت متأخره
- الله يبارك فيكي يا طنط انا ان شاء الله نص ساعة واكون  
عندك



- مستنياكي يا بنتي اوعي تتأخري
- دخلت عفاف لأبنتها وضمتها الي صدرها
- سامحيني يابنتي انا عارفة ان كلنا اعصابنا تعبانه من اللي حصل انا قلت لأبوكي يشوف الموضوع ويعملك اللي انتي عاوزاه
- حضنتها حياء وبكت فضمتها امها إلي صدرها مره اخري حتي هدأت
- وبالفعل اتصلت سمر بزوجها وجاءت بعد نصف ساعه مباشرة ودخلت الفيلا وقابلت عفاف
- خير ياطنط حياء عامله ايه
- الحمد لله فاقت وبدأت تتكلم ادخليلها يابنتي
- توجهت سمر الي الغرفة الموجود بها حياء وطرقت الباب وفتحت
- ممكن ادخل ولا
- تفاجأت حياء بسمر
- سمر أخص عليكي كل ده ماتسألش عني
- معلش والله حقك عليا انا عارفة اني مقصرة معاكي بس خفت تكوني زعلانه مني وبصراحه كنت مكسوفة منك اوي

- يابنتي وانتى ذنبك ايه حقك انتى عليا انا عارفه انى مقصره معاكى ومكنتش معاكى فى يوم زى ده احكيلى الفرخ كان عامل ازاي ؟ والجواز اخبارة ايه
- والله الحمد لله الفرخ كان جميل جدا وحسين محترم ويحبني واهم حاجه عارف ربنا كويس
- ولعتها رقص فى الفرخ طبعا
- ولعتها؟ الفرخ كان اسلامى يا حياء ما انتى عارفة ان دى رغبتى انا وحسين
- اه اه صح معلش نسيت انتى عارفة بقى الواحد والى فية
- معلش يا حبيبتى انا عارفة المهم انتى عاملة ايه وحشتينى اوى يا حياء
- الحمد لله عايشة
- وايه حوار فارس وانه عايز يجي
- فارس هو اللى عمال يلح فى الموضوع بيقولى عشان اخرجك من اللى انتى فيه وانا بصراحة محتاجاه جمبى اوى هو الوحيد اللى وقف جمبى وكان معايا الفترة اللى فأتت
- انا عارفة انى كنت مقصرة اوى معاكى بس من هنا ورايح انا مش هسيبك ابدا
- ربنا يخليكى ليا يارب ماما قالتلك ايه على موضوع فارس

- قالتلي انها قالت لبباكي يمشي الموضوع
- بجد
- اه والله فأنتي لما تشدي كده وتبقي كويسه ابقلي
- اتكلمي مع بباكي
- انا خلاص بقيت كويسة
- طيب ولما انتي بقيتي كويسة بطلتي تصلي ليه يا حياء
- ماما قالتلي أنك من ساعة الموضوع ده وانت ما بتصلش
- دا انتي اللي خلتيني التزم واصلي يابنتي ليه كده
- كان موعد العصر قد حان اذن موبايل سمر
- ايه ده انت مش حاطه الاذان علي موبايلك ليه يا حياء دا
- انتي اللي ادتهولي يا بنتي
- ماهو الموبايل القديم اتكسر في الحادثة وسكتت حياء
- تحدثت سمر سريعا حتي تخرجها من ذكرياتها
- اوك انا هنزلهولك قومي اتوضي انا متوضية ويلا عشان
- نصلي سوا وتصلي بيا زي زمان
- وذهبت حياء للوضوء وعندما عادت اخذت اسدال
- الصلاة
- يلا انا هقيم وصلي بينا يا حياء
- لأ صلي انتي بينا انا تعبانه

ووقفت الفتاه للصلاه وبعد انتهاء الصلاه ذهبت سمر الي منزلها مع وعد ألا تتركها ثانية وتبقي معها  
وفي المساء تحدثت حياء مع والدها بخصوص فارس الذي  
رحب به والدها جدا بمجرد معرفة عائلته وابهيه  
وبعدها بأسبوع كانت عائلة فارس وابهيه وامه ولميس في  
فيلا حياء

جلست الاسرتان ورحبوا ببعضهم البعض وبعد الترحيب  
والسلام

تقدم الحاج سالم والد فارس الي الحاج علي بطلب يد  
حياء وتم قراءة الفاتحه

- نسيبكوا مع بعض شوية تعال يا حج سالم انت والمدام  
افرجكوا علي الجنينة وحمام السباحه

- ماشاء الله الفيلا جميلة فعلا يا حج علي دا ذوقك

- لمعت عين عفاف بالبكاء

- تنحنح حاج علي قليلا - اخذ علي الحاج سالم للتمشية

قليلا دا ذوق حياة الله يرحمها هي الي مختارة كل  
حاجه حتي حمام السباحه ده برغم ان الحاجه عفاف ما  
بتعرفش تعوم وبتخاف من المياه الا ان حياه الله يرحمها  
كانت مصممه اننا نعمله و احنا بنبني الفيلا

- انا اسف يا حج على ما أقصدش والله

- حصل خير ماتخدش في بالك بص على الولاد فرحانين ازاى  
ربنا يطرح فيهم البركه ونشيل عيالهم

- ان شاء الله

استأذنت الاسرة للرحيل ومرت الايام و حياء بدأت  
تستعيد رونقها وحياتها وتتحدث مع فارس يوميا  
وتتقابل مع سمر علي فترات بسبب ظروف حمل سمر  
وكان الدنيا قد بدأت تبسم لحياء مره اخري

## -11-

وفي يوم عند اذان الظهر قامت حياء علي صياح عم فرج  
الجنائني وصوت سعدية الخدامه

- في ايه ايه الي حصل
- الحقيننا ياست حياء الست الكبيرة غرقت
- ايبيبيبه ماما ونزلت حياء مسرعه علي السلم ومنه الي  
الحديقة وجدت عم فرج يبكي وسعدية تنوح بجوار جثة  
عفاف جريت عليها حياء مسرعه
- ازاي ده حصل ياعم فرج ازاي؟
- انا معرفش والله يا ست هانم انا كنت بقص الزرع  
وفجاه سمعت الست هانم بتصرخ جريت لقيتها هي  
والكرسي ابو عجل الي بتقعد عليه الاتنين في المياة ناديت  
سعدية وجريت نطيت بهدومي والله ياست هانم علي  
ما طلعتها كان السر الالهي طلع
- وانت ياسعدية كنتي فين
- انا كنت في المطبخ والله ياست هانم
- اخذت حياء في الصياح والنحيب وبعد ان بدأت  
تستوعب ما حدث
- اتصلت حياء بأبيها وهي منهارة واتصلت بفارس وسمر  
وجاء الجميع وقرئت مراسم الدفن والعزاء

- مرت الايام حزينه علي حياء ووالدها حياء اصبحت  
تجلس في غرفتها لاتخرج منها الا علي طعام الغذاء مع  
والدها وبقية اليوم في غرفتها تحدث فارس وبين حين  
واخر تاتي لها سمر لتفك من كربها
- مرت الايام بحزن تام يخيم علي المنزل وببطء شديد  
وبعد مرور ثلاثة اشهر كان فارس في زيارة حياء ووالدها
- انا متشكر يا فارس يا بني على وقفك معايا الايام الي  
فاتت دي
  - يا عمي انا زي ابنك متقولش كده
  - ربنا يحميك يا بني ويحفظك انتا بجد ابني واكثر
  - استأذنك يا عمي هكلم حياء واروح انا عشان عندي شغل  
بكرة
  - اتفضل يا بني دا بيتك
  - ذهب فارس الي حياء ونادي عليها
  - عاملة ايه يا حياء
  - تعبانه اوي يا فارس وارتمت في احضانه واخذت تبكي
  - فوجئ فارس فهذه اول مره تفعلها حياء فكم من مرة  
حاول ان يلمس يديها ولم يستطع و علم كم هي حزينة  
وضائعه فكيف لفتاه في مثل سنها ان تتحمل فقدان  
الاخت التوأم ثم تفقد الام بعدها
  - اهدي يا حياء اهدي يا حبيبتني مش كده

- مش قادرة يافارس مش قادرة ماما كانت هي الي فضلاي  
بعد حياة الله يرحمها  
انا حاسه اني بقيت لوحدي بعد ما كنت بحاول افوق
  - وانا رحت فين يا حياء ماأنا جمبك اهو
  - يافارس انت في شغلك ربنا يعينك علي الي انت فيه ماما  
كانت معايا علطول انت مش هتحس بيا وأخذت حياء  
تبكي في حضنه
- مرت ثلاثة أشهر اخري وفاتح فارس والد حياء في تحديد  
موعد الزفاف ليكون مع موعد خطوبة اخته لميس علي تامر  
صبري معيد في كلية الاداب وصديق فارس في النادي يلعب  
هو كره تنس كهواية ابن عميد الكلية ووالدته دكتورة في  
الكلية فكان من وجه نظر لميس هو العريس المثالي مركز  
اجتماعي ومادي محترم يتهافت عليه فتيات كليتها وكذلك  
فرصة لها لتصبح دكتورة جامعیه
- ووافق الاب علي مضض
- تم تحديد موعد زفاف فارس وحياء ليكون مع بداية  
العام الجديد.
- وبدات حياء في الاستعداد للزفاف وكانت تساعد سمر  
في التجهيز
- اشتري والد فارس له فيلا صغيرة قريبة منهم كمكافأه  
لفارس علي انضباطه والتزامه في العمل وكهدية زفاف وقامت  
حياء مع سمر بأختيار كافه تفاصيل الفيلا وفي خلال اسبوعان



تم الانتهاء من اعمال الدهان والتشطيبات في الفيلا وتم احضار كافه الاثاث في خلال اسبوع فقط وتم الانتهاء سريعا من تجهيز الفيلا كامله

وتم الزفاف الاسطوري في اكبر قاعات فنادق القاهرة الفرح الذي تحدث عنه كل من حضره عن روعه مظهر العروس وروعه فستانها وعن العريس ووسامته والنميمة عن العروس التي لم تتوقف فيه عن الرقص حتي اندهش الجميع الا ان البعض برر ذلك بحبها الشديد لفارس فهو الحبيب منذ ايام الدراسة وفرحتها بزفافها له وعن انها كانت تخرج ما بها من حزن ماضي وكانها كانت ترقص لتنفض ما بها من احزان سابقة

تم الزفاف واخذ العريس عروسته في سيارة الزفاف التي اصر ان يقودها بنفسه

وبعد الانتهاء من الزفه ووداع والد حياء وصديقتها سمر لها في منزلها فقد كانوا اخر من بقي ذهب كلا الي منزله وفي الصباح ذهب والد حياء لتهنئه العروسين اخذ يطرق علي الباب دون مجيب قام بالاتصال علي فارس وحياء الهواتف مغلقه نادي علي البواب اكد انهم لم يخرجوا منذ ان اتوا في المساء اتصل علي والد فارس فأتي بعدها بدقيقتين فقد كان هو ووالده فارس وشقيقته في الطريق بالفعل قاموا بكسر الباب فوجدوا الفاجعه

حياء هدموها ممزقة تبكي في صمت ومنزويه في احد  
اركان المنزل تجلس القرفصاء وفارس مذبوح والدم يغرق  
المكان صاحت الام علي ولدها وشقيقه فارس اخذت في  
الصياح بشكل هستيري وجري والد فارس ووالد حياء عليها  
وقام والدها بخلع جاكيت البدله الخاص به ووضع علي ابنته  
فقد كانت ترتدي قميص نوم لا يستر شئ واخذها في حضنه  
واجلسها علي الاريكه يحاول طمأنتها ووالد فارس يسألها عما  
حدث وهي لا تنطق وعيناها لا ترمش جائت الشرطه وملأت  
المكان وحياء كما هي جالسه البسها والدها اسدال يسترها به  
وهي لا تتحرك او تنطق بأي حديث لا معه ولا مع والد  
فارس ولا الشرطه وحتى بعد عرضها علي النيابة التي حولتها  
للطب الشرعي لتوقيع الكشف الطبي عليها وهناك كانت  
الفاجعه الاخري

بعد الكشف الطبي تبين تعرض حياء للأغتصاب العنيف  
مما تسبب تهتك الرحم ولم يتم التعرف علي الجناه عن  
طريق المشتبه بهم من خلال مطابقة السائل المنوي  
للمغتصب مع السائل المنوي للمشتبه بهم او من خلال  
التحريات.

كان هذا ما اخذ يسرده والد حياء علي دكتور م جدي  
الذي كان قد استوعب صعوبه حاله حياء.

## وأكمل والد حياء

- وعن طريق صداقتي للدكتور عادل عبدالرحمن قدرت اني ادخلها هنا المستشفى وتفضل تحت متابعه الشرطه لان القضيه مازالت مفتوحه ومنتظرين ان حياء تنطق وتقدر تحكي الي حصل عشان الشرطه واحنا كلنا نقدر نفهم ايه الي حصل ومين الي عمل كده ومن يومها وحياء مبتنطقش بأي كلمه مع اي حد حتي معايا انا
- واخذ يبكي والد حياء بعد ان انتهي من سرد كل ما يعرفه عن تفاصيل تخص حياء وحياء الي دكتور مجدي الذي اعاد رأسه للوراء واخذ يفكر دون ان ينطق ثم تمتم دي الحالة فعلا طلعت اعقد مما اتخيل كل دا يحصل للانسانه الرقيقة دي دا العلاج مش هيكفي العمر كله عشان تنسي حادثة واحده من دول ما بالك بكل دول بس بردو انا مش هياأس وربنا يعيني
- فاق دكتور مجدي من صدمه ما وقع علي اذنه من تفاصيل مفعجه
- انا متشكر جدا لحضرتك ياأستاذ على وليكي يا مدام سمر
- يابني تشكرني على ايه دي حياء دي هي الي فضلاي في الدنيا
- بعد اذنكوا عشان انا كده اتأخرت اوي يلا ياعمي
- معلش ياسمر يابنتي تاعينك معانا

- ياعمي متقولش كده حياء دي اختي

انطلق سمر ووالد حياء اما مجدي فضل في مكانه جالس  
ينظر للسقف ولكن نظره كان قد ذهب ابعد من ذلك فقد  
ذهب بعيدا جدا جدا يحاول ان يتأكد هل من الممكن ان  
يكون وجد مفتاح العلاج وسط هذا الحديث.

## -12-

ذهب م جدي الي المنزل ولم يستطع الاكل من كثرة التفكير في حاله حياء ولم يتحدث مع والدته واخته فقط ذهب إلى الفراش مدعي التعب وانه بحاجة للراحه ولكن هيهات اي راحة قبل ان أصل الي العلاج فقد تحدت نفسي- ودكتور عادل مدير المستشفى وهيثم من اجل الشفاء

وبدء في تنفيذ اولي الخطوات

اتصل بأدهم

- أدهم حبيبي انت فين دلوقت

صوت نائم تماما ينظر في الساعه

- هاكون في دلوقت يعني انا في البيت

- طيب انزل قابلني دلوقت عايزك ضروري

- انت عارف الساعه كام الساعه اتنين الصبح خير في ايه

- لما اقابلك هقولك عايزك في موضوع مهم جدا ومينفعش

يستني انت اجازتك هتخلص بكرة وانا عايزك تعمل

الحوار ده بكرة الصبح تكون مخلصه يلا بقي انجز بدل

ما افسخ خطوبتك انت وتقي وارتاح منك

- امري الي الله مسافة السكة  
وتقابل ادهم ومجدي في مكانهم المعتاد وقص عليه مجدي  
مايريده منه
- خلي بالك الي انت بتطلبه صعب
- ما انا عارف امال انا عايزك تعملة لية ياعم انا عايز صور  
من كل حاجه محضر القسم والتحريات ونتيجه الطب  
الشرعي وكل شئ
- حيلك حيلك في ايه ياعم الحج ايه شغل المباحث ده انت  
اتنقلت الشغل معنا وانا معرفش
- انا محتاج الورق ده ضروري في أسرع وقت يادهم
- بكرة الصبح هطلع على قسم القاهرة الجديدة في ظابط  
هناك دفعتي وحبيبي ومش هيتأخر عني دا الي كان  
معانا ليله رأس السنة في البار اياه لما خلينا مشينا  
يافقري
- ما تفكرنيش وربنا تقى لو عرفت هاتطين عيشتك انا  
مسكت نفسي ومقلتلهاش مع اني كنت هضربك يومها دا  
مكان تودهو لي يا أدهم
- قتللك والله ما كنت اعرف لو كنت اعرف انه كده ماكنت  
رحت هو الراجل كان عازمني وقلت اخذك معايا عشان  
كنت شاكك

- يا عني كنت عارف
- يا عم بقولك شاكك هتقولي عارف انت عارف إني بصلي وعارف ربنا ومليش في الجو ده
- اوك متنساش اللي قلتك عليه محتاجة ضروري يا أدهم في أسرع وقت
- الصبح بأذن الله اقولك ايه الاخبار
- اوك سلام
- وفي الصباح وصل م جدي الي المستشفى سريعا بكل حماس وثقة ودخل الي غرفة حياء
- صباح الخير يا حياء
- اخبارك ايه انهارده
- لم ترد ولم يستطع ان يحصل منها علي اي جديد وفي اليوم التالي نفس الحديث حتي قال
- تعرفي ان بباكي دا راجل محترم جدا انا قعدت معاه امبارح وقعد يحكي عليكي وعن طفولتك وعن حبك للقراءه تعرفي جبتلك ايه معايا الروايه الي بتحبيها نظرت حياء الي يديه وجدت روايتها المفضلة بين يديه مديده ليعطيها اياها فأخذتها بأبتسامه سعد مجدي جدا بهذه الخطوة واخذت حياء الروايه وفتحتها لتقرأ فيها... اخذ ينظر اليها وهو سعيد

- وخرج من عندها فنظرت عليه وارتسمت الابتسامه على  
وجهها واخذت تقرأ في الروايه  
قابل هيثم وهو خارج
- ايه ياعم ايه السعاده دي كلها
  - لا ولا حاجه مبسوط شوية
  - ايه هي الصنارة غمزت ولا ايه
  - صنارة ايه يادكتور بطل تلميحائك دي
  - طيب ياعم الله يسهلك انا بس بقول لو في لقمة طرية  
نأكلها سوا
  - تقصد ايه
- لا ولا حاجه روح مر على باقي الحالات بتاعتك يادكتور  
روح
- نظر له مجدي بضيق واكمل طريقة فسعاده بخطوة مع  
حياء كانت اكبر من هيثم و امثلة بكثير  
ذهب الي المنزل بعد انتهاء العمل سعيدا واخذ يداعب  
شقيقته تقي وامه التي سعدت بسعاده ابنها فيكفي الام  
ان تري ابنائها سعداء من دون ان تعرف السبب  
واتصل بأدهم
- ياعم والله ماتقلق الورق جاي بس هياخد وقت وعلي  
الاجازة الجاية هكون جبترك كل حاجه انا اقدر اجبلك  
محضر الشرطة دلوقت انما انت ياعم كرومبو عايز بيانات



وتحريات وكل حاجه علي اعلي مستوي يعني لازم نجبها  
من النيابة فمحتاجه شوية وقت.

ذهب اليها في اليوم التالي واخذ يحدثها عن الرواية وما  
بها حتي فوجئ بها تقول

- انت تعرف ان حياة كانت أكبر مني بدقيقتين

صدم مجدي من الحديث

- لأ بصراحة معرفش

- هي الاكبر هي الي كانت بتكلمني هي كانت كل حاجه  
مش عارفه اكونها او اعملها عارف ساعات كان بيبقي  
نفسي ابقي هي كان نفسي مبقاش البنت الملتزمه الي كل  
الناس بتشيد بأخلاقها ومدرسينها بيشيدوا بيها وابوها  
وامها فخورين بيها لأ كان نفسي- اعيش حياقي انطلق  
يبقي ليا صحاب كثير واعيش حياقي مرح وسعاده زيها  
هي راحت واخذت كل السعاده معاها وكل الناس  
الطيبين حصلوها

واخذت حياء تبكي حتى انهارت في البكاء وجري مجدي  
ونادي على التمريض اعطوها حقنه مهدئه فنامت حياء

كان مجدي برغم نظره الشفقة والحزن عليها الا انه كان  
سعيد جدا بانها تحدثت فقد اصبحت علي اولي خطوات  
العلاج الصحيحه وانه سيكسب التحدي

اصبح يأتيها يوميا يتحدثون وتبكي واحيانا تنهار حدثته  
عن فارس وحبها الشديد له و عن ان فارس هو من كان

سبب في تجاوزها كل مامرت به وهو من ساعدها ووقف بجوارها في وفاه والدتها وقبلها في وفاه حياة وانه هو من اعانها علي كل ما حدث لها الا انه فجأه تركها وبكت بشده وانهارت مجداد ومجداد حزن مجدي وسعد في نفس الوقت شعور بالسعاده لتقدم الحاله وشعور بالحزن ليس بسبب ما مرت به فقط ولكن لشعور غريب بدأ يشعر به واستمر مجدي في المجيئ والحديث معها يوميا حدثته عن امها تحدثت في كل شئ ولكن رفضت تماما ان تتحدث فيما حدث ليله الدخلة حاول ان يستدرجها الا انها لم تذكرها حتي وكأنها ليله غير موجوده كل ما تتذكره ان فارس قد ذهب مثل امها وحياة وفسر مجدي ودكتور عادل الذي كان منبهر من تقدم حاله حياء بهذه الصورة علي يد مجدي بأن هذا عادي في هذه الحالات حيث يرفض العقل تذكر مثل هذه الحوادث البشعه وان ما تعرضت له كان يفوق الطبيعي بكثير اصبح ياتيها يوميا حتي في ايام العطلات وكان ابوها وسمر مستمران في زيارتها واصبحت تتحدث معهم اصبح وجهها اكثر اشراقا واصبحت تنتظر مجدي يوميا وفي يوم مرضت وام مجدي فذهب بها الي المستشفى ولم يستطع الحضور لمدة يومين متتاليين فكانت حياء معلقة نظرها من النافذه علي باب المستشفى تنتظر مجيئة ورفضت الطعام في هذا اليوم وفي المساء حاولت احدي الممرضات ان تعطيها الطعام رفضت حياء بل واعتدت علي الممرضة بالضرب وجريت الممرضة من الغرفه كل هذا وهيتم يتابع ما يحدث

- بقي كده ياقطة حبيب القلب ماجاش تعملي في نفسك  
كل ده هو ده حتت العيل اللي عجبك ماشي يا قطة  
وفي اليوم التالي جاء مجدي ودخل الي غرفتها كالعاده الا  
انها لم ترد عليه او تحدثه مطلقا فتعجب م مجدي من  
تصرفاتها وعلم من الممرضة ما حدث ففهم م مجدي  
مايحدث وتقبل الامر فكل مايهمه هو تقدم حاله حياء  
وايضا هو قد تعلق بها فمجدي طيب مازال شاب ليس  
له اي علاقات نسائية وهذه اول حاله يبقي معها كل هذا  
الوقت فهو ليس الطبيب المخضرم الذي تمر عليه مثل  
هذه الحالات يوميا  
فأخذ يحدثها
- انا عارف إنك زعلانه بس والله غصب عني ماما تعبت  
فجأه ونقلناها المستشفى وكان لازم ابقى جمبها وبايت  
في المستشفى معاها من يومها وحيت من المستشفى على  
هنا عشان اشوفك ومكلتش حاجه بقالي يومين هجيب  
فطار نفطر سوا
- كانت حياء لا تنظر اليه منذ بدايه الحديث ولكن عند  
حديثه عن والدته نظرت اليه ولم تتحدث جاء الفطار  
وتناول الاثنان الفطار سويا
- وماما عامله ايه دلوقتي يادكتور مجدي

- الحمد لله الدكاتره طمنوني وقالولي هتقعد يومين كمان  
تحت الملاحظة وبعدين تخرج اتطمنت وجيت اشوفك  
على طول  
تبسمت حياء في سعادته فاكمل هو
- وبلاش دكتور دي انتي تقولي لي يا مجدي زي مابقولك يا  
حياء على طول  
تبسمت حياء في سعادته واخذ مجدي يحدثها عن حياته  
كلها عن ابوه المتوفي منذ عام وكيف كانت الحياه صعبه  
عليه وعلي امه واخوته تقى كان يحدثها عن حياته بكل  
وضوح واصبح يأتيتها ويحدثها يوميا وتقدمت حاله حياء  
جدا واصبحت تقابل والدها وسمر وتحدثهم دون بكاء  
عند ذكر اي من فارس او حياه او والدتها واصبحت اكثر  
اشراقا وهيتم يتابع....

### -13-

وجاء أدهم من اجازته واتي لمجدي بأوراق القضية كما وعده  
واخذ مجدي اوراق القضية وبدأ يقرأ فيها  
قرأ تقرير وفاه فارس

تم الاعتداء علي المجني عليه بالضرب في مقدمة الرأس ثم  
تم استخدام اله حاده نتج عنها قطع الوريد الوداجي  
والشريان السباتي مما تسبب في الوفاة مباشرة وقد وجدت  
اداه الجريمة العصا الغليظة والسكين في مكان الحادث  
قرأ التقرير الخاص بحياة

- تم ربط الضحية بالحبال وهذا واضح من اثار الحبل على  
يديها وتم الاعتداء جنسيا عليها وبعنف مما تسبب في  
تهتك الرحم مع وجود اثار سائل منوي داخل رحم  
الضحية

وقرأ باقي الاوراق

- وما اثار انتباهه بشده هو موقف رامى الغريب واقواله  
عن صديقة الوحيد ان الحادث من الممكن ان يكون  
بقصد الانتقام فقد كان فارس متعدد العلاقات النسائية

مع فتيات وسيدات متزوجة فمن الممكن الحادث بدافع الانتقام

وكان قد تم القبض علي رامي من ضمن المشتبة بهم في القضية ولكن تم الافراج عنه بعد عمل تحليل DNA وعدم مطابقة عينه السائل المنوي الخاصة به بعينه الجاني.

- لا يوجد اثار للأقتحام في الفيلا وهذا برره والد فارس بأنه تم الانتهاء من تشطيب الفيلا قبل ميعاد الفرح بيومين ولم يتذكروا تغيير الكالون لانه كان بيد كل الصنایعية والعمال وتم استدعاء كل العمال والصنایعية الذين كانوا يعملون في الفيلا مما وسع دائرة المشتبه بهم في القضية.

انتهى مجدي من قراءة اوراق القضية واغلقها واخذ يفكر بعمق ايه الي يخلي صاحبه الوحيد يقول عنه كده....

وفي اليوم التالي وبعد ان انهي جلسته مع حياء ذهب مجدي الي النادي من اجل مقابله رامي وعلم ان رامي لم يعد يأتي للتمرين منذ وفاه فارس وانه يعمل في إحدى الشركات الخاصة ذهب الية مجدي وقدم نفسه اليه على انه الدكتور المختص بحالة حياء وذهبوا للجلوس في أحد الكافاتيريات

- استاذ رامي انا اسف إني بعطل حضرته بك بس بجد انا محتاج اي حاجه تساعدني عشان أقدر اعرف حالة حياء كويس وأقدر اساعدها  
تحدث رامي بلهفه

- انا تحت امر حضرتك في اي حاجه تساعد حياء يادكتور  
قصدي تساعد حضرتك
- عشان كده هادخل في الموضوع على طول حضرتك كنت  
أقرب صاحب لفارس الله يرحمه مضبوط
- تمام حضرتك
- طيب ممكن اعرف ليه حضرتك قلت عنه كده في  
التحقيقات
- عشان دي الحقيقه
- ازاي يعني
- يادكتور فارس كان انسان زباله اوي اه صاحبي وكل  
حاجه بس لما توصل لكده يبقى فعلا انسان زباله.
- كده ايه  
تنحني رامي
- حياء حياء انسانه رقيقة جدا ماكنتش اصلا تستاهل  
انسان قصدي حيوان زي رامي حياء دي ملاك عارف  
يعني ايه ملاك يادكتور
- صمت رامي واخذ مجدي ينظر اليه بأندهاش
- أكمل رامي صدقني يادكتور انا هقولك على كل حاجه  
حتى اللي ما قلتوش للبوليس عشان نفسي حياء تبقي  
كويسة وترجع زي زمان بس عايزك تقولها ان بجد فارس

مايستهلش دمعہ واحده من عنیہا ولا لحظة حزن واحده  
علیہ منها هی علی الاقل.

- لیہ بتقول كده یا استاذ رامي
- عشان دي الحقيقة اللي ینام مع واحده ویروح بعدها  
بساعه یطلب اختها للجواز یبقی ایہ؟
- اندهش مجدي واتسعت عیناه وسكب العصیر من فمه
- بتقول ایہ؟
- بقول الحقيقة انا هقولك علی كل حاجه یا دكتور عشان  
تعرف حیاء حقيقة البني ادم ده.



## -14-

ليله السفر كان كل اعضاء الرحلة جالسين سهرة حتى  
الصباح

اما حياء وسممر فذهبتا للنوم  
اخذ العدد يقل حتي تبقي فارس ورامي وحياة وشابين وثلاث  
فتيات

فاخرج احدهم قطعة حشيش واخرج اخر زجاجة خمر  
واخذ يلف السجائر وتناول الجميع

- خد يا ابو الكباتن
- انت عارف اني مليش في الكلام ده
- ليه ياكابتن
- لا ياعم انا اي حاجة الا كده
- شدت حياه السيجارة من يد الشاب
- انا عايزة أجرب
- جذب فارس يدها
- بس يا حياه
- ياعم سييها حد واخذ منها حاجة
- قال فارس بغضب
- ياعم دي ما بتشر بش سجائر اصلا

- وانت مالك انت انا اعمل الي انا عايزاه انت وصي عليا
- شفت جبت الكلام لنفسك سبها بقي
- اخذت تشرب حياة السيجارة كلها وشربت بعض الخمر  
وغصبوا علي فارس حتى تناول بعض الخمر
- ثم اخذت حياة في التقى والاعياء فقام فارس لها مسرعا
- مش قتللكوا دي ملهاش في الكلام ده هاروح اوصلها  
وارجعلكوا
- وذهب فارس وحياه واخذت حياه تتمايل علي فارس وتحضنه  
وتقبله
- بس يا حياة ماينفعش كده
- ما ينفعش ليه - ما نفعش ولا ما نفعش دا انا وهي واحد  
حتى
- ما هو عشان كده ماينفعش
- ليه هو انت بتحبها ولا ايه
- بس عشان احنا داخلين على الفندق
- دخلو الفندق وصعدوا الاسانسير ودخلت حياة تجري في  
الطريقة التي بها غرفة فارس جري ورائها وشدها من ملابسها  
فأنقطع البادي الذي ترتديه وكشف عن جزء من ظهرها

- ايه الوشم ده
  - عجبك
  - دا اخره فين ده
  - تعال وانا اوريك
- وجذبتة اليها وفتح فارس باب غرفته وذابت بين يديه في قبلة  
طويلة وفي لحظة كانوا عرايا تماما وناموا في احضان بعضهم  
استيقظ فارس علي صوت رامي وطرقات عنيفه من يده علي  
باب الغرفة فوجد نفسه نائم عاري وحياه بين احضانه عاريه  
تماما
- افتح ياعم فارس انت قافل على نفسك ليه من جوه
  - يا نهار اسود يانهار اسود ايه الي انا عملته ده قومي  
قومي الله يخرب بيتك
  - استيقظت حياة فزعه تماما مللمت الملاية علي جسدها
  - ايه الي حصل
  - الله يخرب بيتك ايه الي عملناه ده
  - يا نهار اسود يا نهار اسود واخذت تلطم فارس انت لازم  
تتصرف
  - اخربي والبسي بسرعه - اصبر يازفت جاي اهو

وفتح الباب بعد ان اترتدوا ملابسهم

- ايه ياكابتن انت قلت هترجع ونفضت وقافل ع ...  
لم يكمل رامي جملته بعد ان رأى حياة بهذا المنظر شعر غير  
منسق ونظرات خوف ودموع مكتومه فقال مندهشا

- حياة؟؟؟؟؟؟

نظرت له حياة بخوف شديد وخرجت من الغرفة فزعه  
وتجري مسرعه

- كانت بتعمل ايه هنا حياة يا ابو الكباتن

- بنت الكلب فاكدة انها كده بتدبسنى

- تحدث رامي بأستهزاء- ليه هي خدتك غصب عنك

- مش ناقصك يارامى سبنى فى المصيبة دي

- مصيبة ايه بس اهدي وروق بس ايه اللي حصل

- بنت الكلب قعدت تغري فيا وتدلع عليا وهي وحياء

واحد ما حستش بنفسى وحصل اللي حصل

- اوبا دي كده باظت يامعلم اظن بقى تبعد عن حياء

وتخليك فى اختها

- باظت يا عني ايه ولا باظت ولا حاجه قال اخلىني فى

اختها قال

- يعنى هتعمل ايه

- هتشوف وخرج سريعا من الغرفة

نظر له رامى والغضب فى عينيه وتمتم ( انت مش هتجيبها البر  
شكلك يا فارس )

انهى رامى روايته واكمل حديثه قائلا:

- نام مع اختها وبعدها بساعه كان بيدي لحياء الدبله  
عشان يخطبها عمرى شفت بجاحه وسفالة كده

اندهش مجدى لما سمع فلم يكن يتوقع ابدأ ان يكون هذا ما  
حدث بكى رامى كثيرا بعد ما انهى حديثه

- انا انا كان نفسى اروح واقولها بس مقدرتش وما قدرتش  
اشوه صوره اختها بس فى الحقيقة انا ما اقدرش اشوفها  
حزينه كده على انسان ما يستهلش وكان نفسى من زمان  
اوصلها دا بس ما قدرتش.

- اهدي يا استاذ رامى واشرب العصير

- انا عايزك تقولها ان بجد الانسان ده ما يستهلش الزعل  
عليه

- انا متشكر اوى لحضرتك يا استاذ رامى بجد شكرا

- اتمنى انا اكون ساعدت حضرتك عشان تساعد حياء سلام  
عليكم

وانصرف الاثنان كلا فى طريقة ومجدى يفكر فيما ممكن ان  
يلاقيه من مفاجآت اخرى قد يشهدها فى حياة حياء فكل يوم  
يسمع عن احداث صادمه لم يكن ليتوقعها حتى فى احلك  
احلامه.

## - 15 -

ومرت سته أشهر على هذا الحال ووالدها وسمر يأتوا لزيارتها  
وبعد انتهاء الزيارة

- انا مش عارف اشكرك ازاي يادكتور بجد انت رجعتلي بنتي ثاني
- دا واجبي يا استاذ علي
- هي تقدر تطلع امتي
- حياء دلوقتي كويسه تمام احنا بس محتاجينها نتكلم عن الحادثة لان النيابة محتاجة اقوالها ما تنساش ان القضية لسة مفتوحة عشان اقوال حياء
- يعني هي لو اتكلمت عن الحادثة كل حاجه تبقي تمام وترجع حياء زي الاول
- ايوة يامدام سمر احنا بس عايزنها نتكلم عن الحادثة وتبقي متماسكة لأن حياء رافضة ذكر الحادثة تمام والخوف لتحصل انتكاسه لما تفكر الي حصل
- ربنا يعديها علي خير يادكتور
- ان شاء الله بعد اذنكوا عشان امر علي باقي الحالات وذهب مجدي وذهب والد حياء وسمر

وفي مساء إحدى الليالي انطلق الصراخ والعيول في المستشفى  
وانيرت الاضواء كلها وارتفع الضجيج بالمستشفى وصوت  
سيارات الشرطة والاسعاف ورن جرس هاتف مجدي

- ايبيبيبيبه ازاي دا حصل انا جاي حالا
- وذهب مجدي الي المستشفى مسرعا
- ايه الي حصل يا دكتور عادل
- لسه مفيش حاجه واضحة بس الظاهر ان دكتور هيثم  
حاول يتهجم على حياء وكان عايز يديها حقنه منومه  
اخذت منه الحقنة واعتدت عليه بيها وشه مفيهوش حنة  
سليمه جت الاسعاف ونقلته
- وحياء حياء فين يادكتور وعامله ايه
- حياء بخير كويسه جدا نقلناها عنبر تاني ومستنين النيا به  
تيجي تاخذ اقوالها
- واخذت حقنه مهدئه؟
- بقولك حياء كويسه جدا وواعيه ومدركه لكل حاجه  
وكمان طلبت النيا به الي بتحقق في الحادثة بتاعتها هي  
وجوزها وطلبت تشوفك قبلهم
- ايه ازاي
- الواضح ان حادثه الاعتداء عليها فكرتها بالحادثة القديمة  
وبما ان هيثم المعتدي هي اعتدت عليه فاخذت حقها

منه عموما دا كلام مبدائي سابق لأوانه هنشوف كل  
حاجه بعد ما نحطها تحت الملاحظه اقعد معاها دلوقتي  
على ما النيابة تيجي

- دخل مجدي علي حياء ومجرد دخوله جرت حياء عليه  
وارقمت في احضانه

- شفت يا مجدي شفت اللي حصل

- اهدي بس اهدي

- انا كويسه انا المره دي اخدت حقي كويس مش زي المره  
اللي فاتت

- اهدي بس دلوقتي وارتاحي

- يا مجدي صدقني انا خلاص بقيت كويسه اوي ومش  
محتاجه اي حاجه تاني

ووصلت النيابة في تلك اللحظة وكانوا قد تحدثوا مع دكتور  
عادل الذي اكد علي قدرتها علي الحديث ولكن دون ضغط

وتحدثت حياء عن حادث اعتداء هيثم بأنها فوجئت به  
بداخل حجرتها ويحاول ان يعطيها حقنه فاحست به وفوجئ  
هو باستيقاظها فمسكت يده واخذت منه الحقنه واعطتها له  
واعتدت عليه بها واكد علي حديثها طقم التمريض والدكاتره  
الذين اتوا علي صراخها في البدايه ثم سمعوا صراخ هيثم  
يعلوا واكدت اكثر من ممرضة ودكتورة علي ان هيثم يستحق  
ما حدث له فهو كثير التحرش بزميلاته سواء باللفظ واحيانا



مع الممرضات بالفعل وكل يعلم سيرته السيئه وتم التأكيد علي اقوال حياء خصوصا وان هيثم لم يكن نبطشيه في تلك الليلة وتم اخذ اقوال هيثم الذي حاول ان يؤكد انه دخل للأطمئنان عليها الا انه بمواجهته انه لم يكن نبطشية ودخل عليها وفي يده حقنه منومة حاول ان يزعم انها هي من دعتة وتم اخذ اقول مجدي وتقابلا الاثنان في النيابة

- شفت شفت يا مجدي بنت المجنونة بتقول عليا ايه.

نظر له مجدي نظرة غضب ووجه له لكمة اجمع فيها كل غضبه مما جعل انف هيثم ينزف وبصق في وجهه وغادر تم ايقاف هيثم عن العمل من قبل المستشفى وتم ابلاغ نقابه الاطباء لأتخاذ اللازم وتم حبسه علي ذمه القضييه وفي قضيتها القديمه هي وفارس

في مكتب نائب مأمور مباحث القاهره الجديدة يرن جرس الهاتف

- الرائد شريف غنيم

يأتيه صوت من الطرف الاخر - فيهب واقف ويتحدث

- ايبيبويه اتكلمت انا جاي حالا مسافة السكه

يغلق الرائد شريف السماعه ويهم واقفا يركب سيارته ويذهب الي مستشفى الدكتور عادل مباشره

الرائد شريف غنيم شاب طموح من أكفا ضباط دفعته يحب عمله جدا الا ان قضية حياء كانت بالنسبة له تأخذ محمل شخصي فهو يسكن في نفس المنطقة ومتزوج قبل فارس وحياء بأسبوع واحد فبالنسبة له الضحية كان من الممكن ان تكون من أقرب الاقربين اليه

ذهب الرائد شريف وممثل النيابة الي مكتب الدكتور عادل وكانت حياء تجلس هناك وتم سماع اقوالها التي اكدت ان اثنين مجهولين هجموا علي الفيلا لا تعلم كيف اتوا وكانوا يحاولون السرقة وعندما رأوها هي وفارس اعتدوا بالضرب علي فارس بالشومة وضربوه في مقدمه الرأس واعجبتهم حياء خصوصا وانها كانت ترتدي قميص نوم خفيف فقام احدهم بأغتصابها وعندما هم الثاني بأغتصابها كان فارس قد افاق حاول ان ينهض للدفاع عنها فقام احدهم بذبحه في نفس اللحظة فزعوا مما حدث وتشابكوا مع بعضهم وفروا هارين تاركين كل شئ خلفهم ولم تري وجوههم لأنهم كانوا ملثمين واخذت تدلي بأوصاف المتهمين الجسديه وكان احدهم تنطبق عليه مواصفات رامي الا انها لم تؤكد انه هو حيث انها لم تتعرف عليه الا ان شك الرائد شريف به جعله يأمر بالقبض عليه في الحال بعد خروج اذن النيابة خصوصا وان حياء أكدت علي انهم كانوا اثنين فمن الممكن ان يكون شريكه هو من اعتدي عليها وليس بالضرورة هو.

- وزع نشرة بإسم رامى عبدالكرىم على كل الاقسام التابعه  
للأماكن اللى بىتردد عليها عايزه يكون عندي في ظرف  
24 ساعة.

وبالفعل تم القبض عليه عند نزوله من منزلة من اجل ذهابه  
الى العمل صباحا وتم اقتياده الى مكتب الرائد شريف من  
اجل التحقيقات

- وقعت يارامى مش قلتلك مسيرنا هنتقابل تانى
- ياباشا في ايه بس مش حضرتك قبضت عليا قبل كده  
وحققوا معايا وسبتوني
- اه بس دا كان قبل ما المجنى عليها تتكلم وتدي باوصافك
- ايه حياء اتكلمت؟ وقالت على اوصافي انا؟
- اه شفت امال كنت عايز تنفذ بعملتك
- ياباشا والله ما عملت حاجة فارس كان صاحبي ياباشا  
وحياء حياء وبكى رامى وبشده
- اهدى اهدى انا هقولك ايه اللى حصل فارس خلاص  
اتجوز وهيبطل يخرج ويتفصح ويصرف عليا زي زمان  
فانا بقى اعمل ايه ارواح اسرقه واعيش واتنغنغ بقى امال  
هصرف منين بقى لأ والمشكلة الاكبر انه ساب الدنيا كلها  
واتجوز البنت اللى عيني منها يبقى الحل ايه ارواح انتقم  
منه ومنها واهو يبقى سرقة وانتقام في نفس الوقت ما  
أحنا متعودين نقضيهما دىما سوا يبقى لازم اقضي- معاه

ليله الدخلة صح مش هو دا اللي حصل اعترف يارامي  
الانكار مش هيفيدك اعترف وقول مين شريكك في الجريمة  
حياء قالت انكم كنتوا اتنين

- ياباشا حرام عليك انا ما قتلتهوش ما قتلتهوش وبعدين انا  
أأذي حياء حياء مش ممكن والله انا برئ انا اعمل اي  
حاجه في الدنيا الا إني أأذي حياء انا اه كنت بخرج مع  
فارس عشان فلوسه بس انا مش زية انا مليش في الحريم  
والهلس بتاعه ويوم ما حببت بجد اختارته هو انا زعلت  
عليها عشان اخدت انسان زي ده بس عمري ما فكرت  
اقتل او أأذي حياء اللي بيحب ياباشا عمره ما يفكر يأذي  
وانهار رامي في البكاء وكانت كلماته واعترافه بحبه لحياء  
دليل ادانه اخر له وتم عرضة علي النيابة التي امرت بحبسه  
علي ذمة القضييه

## -16-

وبعد شهر كانت حياء تتعامل مع الجميع بمنتهى السعادة  
والحب والود مع الجميع مرضي وممرضين ودكاتره  
طلبت حياء من والدها العوده معه الي المنزل فرح والد حياء  
بهذا الطلب جدا  
واسرع في الذهاب الي الطبيب

- دكتور مجدي
- اتفضل يا استاذ علي
- مش هأخذ من وقت حضرتك كثير حياء عايزه تروح معايا  
هي تقدر تخرج  
احس مجدي بالحزن
- انا كنت عايز اسيبها شهر كمان تحت الملاحظة بس  
هشوف دكتور عادل وارد على حضرتك  
وفي اليوم التالي ذهب مجدي الي دكتور عادل
- صباح الخير يادكتور عادل
- صباح الخير يابطل
- بطل؟

- طبعا بطل ومش اي بطل كمان اللي يقدر يوصل بمريضة زي حاله حياء لانها تبقي سليمه تماما كده بعد ما انا شخصيا كنت فقدت الامل يبقي بطل
- ربنا يخليك يادكتور دا بفضل ربنا سبحانه وتعالى ثم توجيهات حضرتك
- وكمان متواضع وضحك دكتور عادل ومجدي سويا
- بصراحة انا كنت جاي أكلم حضرتك بخصوص حالتها هي ووالدها طالبين انها تخرج فرأى حضرتك ايه
- انت رأيك ايه انت الدكتور اللي متابع الحاله وانت اللي تقدر تقيمها
- انا شايف انها كويسه بس محتاجة شوية متابعه
- وانا رأيي من رأيك انا بثق فيك جدا يام مجدي وبتفكرني بنفسي وانا في شبابك وحماسك شكلك هتنافسني قريب
- العفو يادكتور انا هكتبلها على خروج اول الاسبوع ال جاي مع متابعه حالتها مره في الاسبوع استأذن حضرتك
- اتفضل يا دكتور وابتسم دكتور عادل
- وبالفعل في اول الاسبوع عادت حياء مع والدها الذي كان قد باع الفيلا واشترى شقة في مصر الجديدة كما اتفق مع دكتور مجدي حتي تبعد كل البعد عن اي ذكريات حزينه وكانت شقة صغيرة مكونه من ثلاث غرف وصاله وكل ما بها اثاث جديد حتي لا يكون هناك اي شئ يذكرها بما مضى

واصبح مجدي يزورها بصورة شبه يومية بحجه متابعه حالتها  
واليوم الذي لا يأتي تغضب هي ويظل هو يعتذر بالهاتف  
حتي مر عام كامل ما بين زيارات واتصالات وفي نهايه العام  
في شقة حياء يجلس معها في البلكونه وعلي والد حياء يجلس  
بالصاله

- حياء عايز اقولك علي حاجه وخايف
- قول يامجدي حاجه ايه
- انا انا انا
- انت ايه يامجدي
- انا بصراحه عايز اتقدملك وافاتح بابا في الموضوع بس  
قلت اخذ رأيك الاول
- فرحت حياء بشده ثم ظهر علي وجهها الحزن الشديد
- انا اسف لو كنت ضايقتك استأذن انا
- قامت حياء خلفه مسرعه
- يام جدي اسمعني وما تفهمنيش غلط انا مش عايز  
اظلمك معايا انت شاب محترم وفي بدايه حياتك حرام  
اظلمك مع واحده زيي
- اندهش مجدي وانفعل

- زيببيبييك زيڪ ياعني ايه انت ملكيش ذنب في اي حاجه  
حصلتلك عشان تقولي كده
- ازاي بس يامجدي انت كده تبقي بتظلم نفسك
- بتحبيني يا حياء
- صمتت حياء ولم ترد
- بتحبيني يا حياء
- صمتت ولم ترد
- قال مجدي بأنفعال بتحبيني ولا لأ هو سؤال واحد
- اندفعت حياء تبكي ايوه بحبك
- خلاص يبقي متفكريش في اي حاجه وانا هكلم عمي علي  
وافاتحه في الموضوع
- يا مجدي فكر الموضوع مش سهل وهتقول لمامتك واختك  
ايه
- ماما وتقي ما يهمهمش غير سعادي وانا سعادي معاي
- انتي يا حياء وهما اهم حاجه عندهم اني اكون مبسوط
- ومستعد يا مجدي تتحرم من الابوه انا عمري ما هكون  
ام
- انتي بنتي يا حياء بنتي واختي وحيبتي وكل حاجه ليا
- مش عارفة يا مجدي مش عارفة



- مش عايز ولا كلمه تاني وامسحي دموعك دي  
ومد مجدي يده يمسح دموعها فانتفض جسد حياء فاخذها  
مجدي في احضانه
- انا عايزك تنسي كل الي فات ونبدا من جديد يا حياء  
متفكريش في الي فات وانا اوعدك اني هعوضك عن كل الي  
فات وهعيشك في سعادته عمرك ما كنتي تحلمي بيها.
- تمتمت حياء ياريتني قابلتك من زمان يامجدي
- جفف مجدي دموعها بيديه وقال في شوق
- هنعوض كل الي فاتنا يا حبيبتي
- وغادر مجدي في قمة سعادته عائدا الي بيته من اجل الترتيب  
مع والدته من اجل زيارة والد حياء
- لكن ليت واقع مستقبلنا يكون كما رسمناه وخططناه بأحلام  
ورديه
- فمن منا لم يرسم ويخطط احلام سعيدة ليومه ثم نام ليلته  
غارقا في بحر من الدموع؟

## -17-

دخل مجدي بيته يغني وسعيد

- الله الله ياسيدي احبيبي يا مجدي وانت رايق كده
- انت على طول كده تقطعي عليا يابت انتي
- حبيبي ياخويا لو مكنتش انا اقطع عليك مين الي هيقطع
- ماشي يا لمضة ماما فين
- بتصلي في الاوضه
- دخل مجدي الي غرفة والدته وكانت قد انتهت من الصلاه
- فقبل رأسها وجلس بجوارها
- تقبل الله يا امي
- منا ومنك يا حبيبي شكلك مبسوط وعائز تقول حاجه
- دايم افشاني كده يا حاجه الصراحه اه
- قول يا بني وفرحني
- بصراحة كده نويت اسمع كلامك واخطب وما تقلقيش
- مش هتجوز قبل ما اتطمئن علي تقى واجوزها الاول
- دا يوم المني يا بني وتقي ما تشغلش بالك بيها فلوس
- ابوك الله يرحمه مكفيه جهازها وزياده بس مين دي

يابني الي غيرت حالك كده انت بقالك فترة علي الحال  
ده وقلت اسيبك لما تيجي تحكي

- حياء يا امي حياء
- حياء مين؟؟؟
- حياء يا امي هو انا اعرف كام حياء
- المجنونة؟
- يا امي مجنونه ايه بس هي كانت تعبانة من الي حصلها  
والحمد لله بقت كويس
- وانت ايه يابني الي يرميك الرميح دي انت شاور علي اي  
واحد وانا اخطبها لك انما دي ليه يابني لأ
- دخلت تقني علي صوت صياح والدتها
- في ايه ياماما بتزعقي ليه
- تعالي شوفي اخوكي عايز يتجوز مين
- بجد يامجدي ألف مبروك ودي حاجه تزعل يا امي
- مش تعرفي مين الاول؟
- مين دي يا مجدي الي شقلبتك كده ها قولني
- حياء
- حياء مين؟
- في ايه هو انا كل لما اقول تقولولي مين هو انا اعرف كام  
حياء

- ايوه يا مجدي بس  
- بس ايه انا بحبها وعاز اتجوزها فيها ايه دي  
وتركهم مجدي وغادر الغرفة بل والمنزل بأكمله واتصل  
بأدهم فوجده في العمل فقص عليه ما حدث  
- اهدي بس يامجدي هما بصراحة عندهم حق  
- ايه يا أدهم في ايه حق ايه هو انا اللي هتجوز ولا هما  
- ياعم اهدي بس مش قصدي والله انا قصدي انهم  
نفسهم يفرحوا بيك  
- وانا مش هفرح غير مع حياء يا أدهم الانسانه دي ضحية  
ولما يعرفوها هيحبوها بجد وهيعرفوا اد ايه هي انسانه  
رقيقة وطيبة وتستاهل كل خير وتستاهل حد يعوضها  
عن كل اللي فات في حياتها  
- دا انت وقعت على الآخر ياساحبي هههههههههههه  
- مش ناقصه هزار يا أدهم  
- ياعم بفكك شوية انا هكلم تقى وماما وان شاء الله كله  
خير يا صاحبي  
- ان شاء الله
- وفي تلك الفترة تحدث أدهم مع تقى التي اكدت انها  
فوجئت فقط من الخبر ولكن كل مايهمها سعادته اخيها  
واتفقا على اقناع والدتها بالموافقة في بدايته الامر كانت الام

رافضه تماما حتى أكدوا لها على حزن م جدي وان هذه هي  
سعادته ولا تقف في طريق سعادته

ووافقت والدته علي اقتراح زيارتها والحديث معها هي  
وتقي قبل الموافقة وسعد مجدي جدا بهذه الخطوة و ذهب  
وفاتح علي والد حياء الذي سعد بالخبر كثيرا ورحب بم جدي  
واحس بأن الله قد عوض ابنته عن كل ما حدث لها

واخيرا بعد الزيارة وبعد حديثها مع حياء واء جاب تقي  
الشديد بها وشعورها بأن هذه الفتاه كانت فعلا ضحيه  
وافقت والدته وذهبوا جميعا الي شقة حياء وتم قراءه  
الفاتحه وعمل خطوبه صغيرة وخرج بعدها العروسان وادهم  
وتقي للعشاء في احد المطاعم بمناسبه الخطوبه

وفي خلال ثلثه اشهر كان مجدي قد جهز الشقة وتم عقد  
القران وعمل الفرح الذي اصرت والدته علي عمل فرح كبير  
بعكس ما كان يريد م جدي وسعدت حياء بالفرح كثيرا  
وكانت حياء في كامل رونقها بالفستان الابيض المطرز  
بالماسات التي لها بريق كبير عينيها مما زادها جمالا علي  
جمالها ومجدي كان في ابهي حله له وكان الجميع سعيد حتي  
ام م جدي التي نسيت غضبها بم مجرد ان رأت ابنتها يجلس  
بجوار عروسه في القاعه وبكت من شدة فرحتها بابنها

وكان حفل الزفاف جميلا ورقص العروسان علي الاغاني  
الرومانسية وهما يذوبان عشقا في اعين بعضهم ونزلت دمعه

من حياء ولكن هذه كانت دموع الفرح مسحها مـجدي عن  
خدها وضمها اليه امام كل الحضور وهمس في اذنها

- بحبك وعمري ما اشوف الدموع دي ثاني ابدأ

وانتهي الفرح وخرج الجميع سعداء بالعروسان

وبعد الفرح مباشرة ذهب العروسان لقضاء شهر العسل  
خارج مصر هديه من ابيها للعروسان وقضي العروسان اجمل  
ايام عمرهم في شهر العسل في تايلاند حيث سحر الطبيعه  
الخلابه

وعاد الزوجان الي عش الزوجية

وجاء المهنئين لتهنئه العروسان من اجل مباركه الزواج.

جائت سمر لتهنئت صديقتها فتحت لها سعديه التي كانت  
تحضر الاكل للعروسين ودخلت سمر الشقة وجدت م جدي  
يجلس امام اللاب توب ويشاهد بعض الصور ووقفت سمر  
مندهشة عند إحدى الصور؟

- هي صورة حياه دي جبته منين؟
  - حياه. حياه مين دي حياه يابنتي دي صور شهر العسل  
انا بنزلها علي اللاب؟
  - لأ ارجع كده دي صورة حياه انا متاكده الوشم ده حياه  
كانت عملاه في شرم الشيخ
  - ايوه يا سمر ما هي وحياه عملوه مع بعض هناك هي  
قالت كده
  - لأ طبعا حياه ماعملتش حاجه من الكلام ده اللي عمل  
الوشم ده حياه بس حياه رفضت تماما وخصوصا ان راجل  
اللي بيعمل الوشم ده انا فاكراه كويس
- وقصت عليه ما حدث

- واحنا في شرم وقفت حياة امام محل رسم وشوم
- انا عايزة اعمل وشم دي الاشكال تحفه يلا يا حياه

- حياء مين لأ مليش انا في الكلام ده
- عشان خاطري ياروهه نعمل وشم على شكل نصين نص عندك ونص عندي عشان خاطري
- لأ ماتحوليش مابعملش انا الكلام ده
- ياروة عشان خاطري
- لأ يعني لأ الموضوع ده مافيهوش نقاش وبعدين دا راجل الي بيعمل
- اوك براحتك هروح انا وابقى احصلكوا
- ودخلت حياة الي المحل واختارت وشم ثعبان افعي كبير من بدايه ظهرها حتي نهايته.
- صمت مجدي واتسعت عيناه واندesh تماما واخذ يفكر
- وبعد دقيقة اكمل
- اه اه ما هي كانت عملته بعد الحادشه هي قالتي انها عملته زي حياه ما كانت عملاه انتي عارفه هي كانت متأثرة ازاي وهي وحياه الله يرحمها كانوا مرتبطين ببعض اد ايه
- تمتت سمر -الله يرحمها
- خرجت حياه من غرفتها قادمه اليهم
- قال مجدي بصوت هامس



- متتكلميش معاها بخصوص الموضوع ده عشان انتي عارفة بيأثر عليها وكده فارجوكي ماتفكرينهاش بحاجه
- هزت سمر رأسها حاضر حاضر
- بتتودودوا تقولوا ايه عليا
- ابدا يا حبيبتي بقولها نفسي اخدها شهر عسل تاني من حلاوه الاولاني

قالها مجدي وابتسم لهم ثم غادر الي داخل الغرفة والقي بجسده علي الفراش واطفاً نور الغرفة واخذ يفكر ويفكر في كل ما مر وكل ما حدث منذ ان رآها بالمستشفى اول مره والمواقف التي مرت وهم معا واندesh من بعضها الا انه لم يخطر بباله تلك الفكره التي تأتيه الان من قبل

تذكر خروجهم يوم الخطبه وفي طريقهم للعوده للمنزل بعد انتهاء جلستهم بالكافيه طلبت منه ان تقود هي سيارته

- انا فرحانه اوي يامجدي النهارده وحاسه إني نفسي- اطيير هات اسوق انا

اندesh مجدي -تسوقي؟ بس انا عارف انك مابتعرفيش تسوقي.

- ها ايه لأ مين قال كده انا بخاف من السواقه بس وانت معايا ما بخفش من حاجه.

وايضا تذكر بعض الملابس التي كانت ترتديها وكانت  
مغايرة تماما لما ترتديه طوال الوقت وحتى انه تحدث  
معها عن هذا الا انها بررت ذلك

- اصل دي هدموم حياه بحب البس منها اليي يمكن يكون  
مناسب ليا عشان افكرها بيه؟

وتذكر حديث هيثم عنها في اول مره رآها.

- دي علاجها يعتمد عليها هي حاليا عادية ولكن مش  
عايزه تتكلم مع حد برغم انها أسرع حالة اتعاملنا معاها  
في الاستجابة للعلاج من الصراخ والكوابيس في شهر كل  
شئ اتحل كلنا كنا مستغربين من سرعه الاستجابة؟؟؟؟

وتذكر وتذكر وتذكر

تذكر م جدي كل موقف رفضه عقله من قبل من  
تصرفاتها الا ان قلبه اعماه عن الحقيقه التي كانت امامه .

ولكن كم من ظلام شديد الحلكه اضائته شعله صغيره

وهذا ما فعلته سمر وليتها ما فعلت فهل يعقل ان  
تكون هذه هي الحقيقة؟

جلست حياء مع سمر يتسامرون ويتحدثون عن شهر  
العسل وسعادتها وما حدث فيه حتى استأذنت سمر وذهبت  
وكذلك ذهبت سعديه فدخلت حياء غرفة النوم واضاءت  
النور وجدت مجدي نائم على الفراش ينظر للسقف ولم  
يتحرك نادى عليه فلم يرد فكررت النداء فلم يرد حتى  
جاءت اليه ووضعت يديها على صدره

- مالك يا حبيبي انت تعبان ولا ايه
- هو للدرجه دي انا كنت ساذج اوي
- يعني ايه؟
- انت لسه هتستعبطي انا عرفت كل حاجه خلاص
- عرفت ايه يا حبيبي انا مش فاهمه حاجه؟
- عرفت كل حاجه يا حياه....
- حياه؟

قام مجدي من الفراش وأمسك يديها اخذ يهزها في عنف

- ايوه حياه حياه الي قتلت اختها عشان تعيش حياتها
- حياة الي دمرت عيلة كاملة عشان بس تتجوز شاب
- ضحك عليها ايوه ما تندهشيش انا كنت عارف ان فارس
- نام معاي قبل مايطلب حياء للجواز بساعه بس ربنا اراد

ان الحقيقه تبان والغشاوة الي علي عيني تروح واعرف  
ان حياء عمرها ما عملت الوشم ده هانت عليكي اختك  
هانت عليكي توأمك

- اخذت هي بالصياح

- اسكت اسكت انت مش فاهم حاجه محدش عارف حاجه  
كلكوا زي بعض كلكوا زي بعض انا مش ممكن اقتل حياء  
حياء دي كانت نصي الثاني حرام عليك انا ما قتلتهاش  
اوعي تتهمني زي امي ماعملت يامجدي انت فاهم  
ونظرت له نظرة مليئة بالغضب

- أمك يعني امك ما وقعتش في حمام السباحه زي ماحنا  
فاهمين اكيد طبعا هي ام وحست بالاختلاف ولما واجهتك  
رمتيها في الحمام بالكروسي وطبعا ست مشلوله مش  
هتقدر تعمل حاجه انتي ايه يا شيخة انتي فعلا مجنونة  
مجنونه مجنونه ولازم تتعالجي انتي فاهمه

قالها مجدي ورماها على الارض وهم بالخروج امسكت  
بقدمه

- ارجوك يام جدي اسمعني انا هقولك على كل حاجه  
ارجوك يا حبيبي ارجوك ما تسبنيش  
قالتها بمنتهي الرقة فجلس م جدي علي طرف السرير  
وظلت امامه على الارض

- يوم السفر بعد الي حصل مع فارس انا كنت منهاره نزلنا  
المطار الموبايل بتاع حياء اذن للظهر سمعت الاذان  
فضلت اعيط حياء شافتني وحضنتني قالتي مالك
- مفيش بس سمعت الاذان قلبي اتهمز انا عايزه أصلي
  - بجد يا حياه انا مش مصدقه تعالي معايا بس الاول
- وجذبت حياء يد حياة ودخلوا الي محل في مول المطار  
واشترت حياء لحياه عباءه اسلامية وحجاب وذهبوا  
للمسجد اخذت حياه تبكي وتدعوا الله ان يستر عليها  
فارس وانهوا الصلاه وركبوا السيارة وربطوا حزام الامان  
في السيارة فتحت حياء علبة ثم صاحت
- الحقني يا حياة بصي فارس جابلي ايه
- كانت دبلة وخاتم ذهب نظرت حياة الي العلبة
- ايه دي
  - فارس طلبني للجواز النهارده الصبح وقالي خذي العلبة
- دي وافتحها لما تروحي وانا فاتحت اهلي اول ماتروحي  
فاتحي اهلك عشان اجيب اهلي واجي انا مش مصدقه يا  
حياة انا مبسوطه اوي
- ولم تدري حياة بشئ الا وحياء تفك حزام امانها من اجل  
ان تحاول السيطرة على السيارة وتصيح علي حياه  
بالانتباه وتحاول امسك المقود ولكن الاوان قد فات  
وخرجت السيارة عن الطريق وانقلبت وطار حياء من  
السيارة

وفي السيارة كانت حياه تحاول فك حزام الامان وبالفعل خرجت من السيارة جرت علي اختها واخذت تحاول ايقاظها وتجذبها حتي خلع حجاب حياه وفتحت عيناها للحظات وقالت

- قولي لفارس اني بحبوا اوي وخليه يسامحني عشان هسيبه

واغمضت عيناها وماتت

نظرت لها حياه غاضبه وقالت

- فارس فارس هو سبب كل اللي حصل فارس دمري حياتي وقتلك وانا لازم انتقم منه لأن هو السبب في الحادثه دي ايوه هو الي قتلك

ونظرت الي حياه وهي ترتدي العباءه وحجابها منزوع

- سامحيني يا اختي بس انا بعمل كده عشان اجبلك حقك

- ونزعت عباءه حياه في سرعه وجرت في اتجاه السيارة ووضعت الملابس بداخل شنطتها وكان بعض الناس قد اتوا للمساعدته فتصنعت احضار زجاجه مياة من السيارة لأيقاظ اختها ولكن قد ماتت حياه

انتهت حياة من سرد روايتها وم جدي ينظر لها ولا يصدق

- صدقني يا مجدي هو ده الي حصل انا ما قتلتش حياه صدقني واخذت تبكي

- اصدقك... وأمك الي قتلتها لما أكتشفتك وعرفت الي عملتيه وفارس الي الله واعلم حصل ايه معاه
- امي امي كانت هتبوظ كل الي خططته هي حست وعرفت ولما قتلها على الحقيقة قالت انها هتقول لبابا على كل حاجه هتضيع كل الي خطته وليه عشان تنقذ مين فارس فارس الي كان السبب في موت حياء ودمرني فارس كان لازم يموت فارس فاهم يعني ايه كان لازم يموت
- ايه الي حصل مع فارس
- انا هقولك على كل حاجه يام جدي لاني بحبك ارجوك متسبنيش يامجدي
- واخذت تبكي وتحضن قدم مجدي وبدأت تقص عليه ما حدث
- \* بعد انتهاء الفرح والعوده للمنزل
- جاء فارس اليها فقالت له
- انا جعانه اوي تعال نأكل الاول
- هتاكلي بالفستان
- أصلي جعانه ونفسي مفتوحة اوي للأكل
- وجلست تأكل وجلس بجوارها فارس يأكلون حتي انتهوا وهم فارس بالذهاب معها الي غرفة النوم
- استني اغير هدومي وبعد كده ادخل

- اوامرك يافندم  
ذهبت حياء وبدلت فستان الفرحة وارتدت قميص نوم  
خفيف يكشف كل مفاتها ونادت علي فارس الذي ما ان  
دخل الي الغرفة ورأها من ظهرها  
حتي صعق مما رأي
- هو انتي وحياة عاملين نفس الوشم ده
- استدارت حياة الي فارس وفي يدها عصا غليظة هوت بها  
على مقدمه راسه فسقط على الارض
- لأ يا حبيبي انا بس الي عامله الوشم ده  
وذهبت الي الكوميدينو واحضرت السكينة الموجوده  
بطبق الفاكهه
- ارجوكي يا حياه انا بحبك يا حياه ارجوكي يا حياه صديني
- مصدقك يا قلب حياه  
قالتها حياه ونزلت بالسكين علي رقبه فارس فذبحته ثم  
قامت بمسح بصماتها من علي السكين والعصا ثم ذهبت  
الي المطبخ احضرت حبل ولفته علي يديها حتي ترك  
علامات علي يديها واحضرت يد المقيشة وادخلتها بداخل  
رحمها حتي نزلت وصاحت من شدة الألم  
ثم جلست بجواره تبكي حتي اتي الاله في الصباح  
مجيدي كان كمن صعقة كابل كهرباء مائتان وعشرين  
وات فاتح فمه وعينه عن اخرهما  
وظل هكذا لدقيقة ثم افاق



- بس التقرير بيقول ان كان في سائل منوي دا بتاع مين مين  
اللي كان معاي
- ضحكت حياه بشده
- تصدق دا كان أسهل ما في الموضوع  
واخذت تقص عليه ما فعلته يوم الحنه الساعه الواحده  
ليلا وكانت ليله راس السنه نزلت رحت بار .....  
تمتم مجدي
- يعني انا شفتك هناك شفت العيون دي هناك  
وتذكر مجدي غضبه من أدهم عندما اتى به هذا المكان  
وسرعه في المغادره واصطدامه بفتاه عند خروجه علي  
باب البار ونظر الي عينيها ثم استكمل طريقه
- كملي وبعدين  
اكملت حياه
- دخلت لقيت ألف واحد أقدر اخذ منه اللي انا عايزاه  
اخترت واحد ورحت ارقص قدامه  
ورقصت حياه رقص مثير جدا واخذت تحتك به عن عمد  
مما اثار هذا الشاب وبشده فجذبتة الي الحمام وهناك  
اخذت ما تريد في دقيقتين بيدها وتركت الشاب مذهول  
مما فعلت وهم ان يذهب خلفها الا انها دفعته بيدها الي  
الحائط فابتعد عنها الشاب في استسلام وهو مذهول.  
انهت حياه حديثها ووقفت امام مجدي وارتقت في  
احضانه واخذت تبكي بأنهيار

- هو دا كل اللي حصل انا كان لازم اعمل كده يام مجدي انا كان لازم اجيب حقي وحق حياء يام مجدي سامحني ارجوك سامحني واخذت تبكي يارتيني قابلتك من زمان مكنش كل ده حصل سامحني يامجدي سامحني ضمها مجدي اليه في استسلام فهو بالفعل يحبها ولكن لا يمكن ان يتغاضي بني ادم عن ماسمعه وقال لها
- انا هقف جمبك ومش هسيبك بس احنا لازم نبلغ ونقول الحقيقة وانا هشهد انك محتاجه للعلاج وهتعالجي وهتبقي احسن صدقيني يا حياة.
- توقفت حياه عن البكاء عند ذكره للأبلاغ ونظرت للسكين الموضوع بطبق الفاكهه على الكوميدينو وابتسمت وقالت:
- مصداق ياقلب حياة.

تمت بحمد الله



صنعت لنفسها قوقعة ..  
وأحكمت إغلاقها من الراحل ..  
لا تخرج منها ولا حتى تنظر منها إلى هذا العالم  
فما رآته هذه الشابه في حياتها يجعلها ..  
لا تقي الدنيا إلا .. باللون الأسود الخالك .  
الكتاب ...

رواية حياء

الكاتب / عادل علي شلبي



طباعة - نشر - توزيع

f /horuspublish

📍 /horuspublish

📧 /Horuspublish

مؤسسة حورس الدولية

🌐 www.horuspublish.com

✉ horus.alex2007@yahoo.com

☎ 03 54 322 05 - 010 10 99 5552

الريادة

للمشروعات الصغيرة